

DE
Principiis & Ratiocinatione
GEOMETRARUM.


Ubi ostenditur incertitudinem falsitatemq; non minorem inesse scriptis eorum, quam scriptis Physicorum & Ethicorum.

Contra fastum Professorum Geometriae.




LONDINI,
Apud *Andream Crooke* in Coemiterio *D. Pauli*
sub signo Draconis viridis. 1666.

Math 5036.66*



Haven fund



12
13



*Ad Illustrissimum Dominum D. Hen-
ricum Bennet Baronem de Arlington, Sere-
nissimo Regi Carolo II. a Consiliis, & Se-
cretarium primum.*

Cum senectutis meæ solatium
maximum tuæ (Illustrissime
Domine) opi debeam, ingra-
tus essem nisi tantæ gratiæ ve-
stigium aliquod etsi obscurum extare
curarem. Quod cum alia non possum,
vulgata via Scholarium facio, Dedico
tibi libellum, non male moratum, sed ta-
men audaculum; Geometrarum enim to-
tam invadit nationem. Quid (inquies) si
injustè? Mihi quidem id dedecus magnum

esset, sed quod ad te, qui ad altiora institutus es, quemq; morum & officii mei erga teipsum, non nugarum mearum inspectorem facio, non pertinebit. In magno quidem periculo versari video existimationem meam, qui a Geometris fere omnibus dissentio. Eorum enim qui de iisdem rebus mecum aliquid ediderunt, aut solus insanio ego aut solus, non insanio; tertium enim non est, nisi (quod dicet forte aliquis) insaniamus omnes. Cæterum sine Iudice lis est, nisi quòd Iudicem aliquando seipsam constituet nondum imbuta posteritas. Videri tibi interea vir bonus, etsi pessimus Geometra, satis habeo. Deum precor ut te optimo Regi, ministrum optimum diutissime conservare velit.

Servorum tuorum humillimus,

Tho. Hobbes.



- CAP. I. *De Functio.*
Cap. II. *De Linea.*
Cap. III. *De Termino.*
Cap. IV. *De Linea Recta.*
Cap. V. *De Superficie.*
Cap. VI. *De Superficie Terminis.*
Cap. VII. *De Superficie Plana.*
Cap. VIII. *De Angulo.*
Cap. IX. *De Figura.*
Cap. X. *De Petitione prima El. I. Euclidis.*
Cap. XI.)
Cap. XII. |
Cap. XIII. |
Cap. XIV.) *De Ratione.*
Cap. XV. |
Cap. XVI. |
Cap. XVII.)
Cap. XVIII. *De Radice & Latere.*
Cap. XIX. *Prop. 16. El. 3. Examinata.*
Cap. XX. *De Dimensione Circuli.*
Cap. XXI. *De Magnitudine Circuli Hugenianna.*
Cap. XXII. *De Sectione Anguli.*
Cap. XXIII. *De ratione quam habet recta composita ex Radio
& Tangente 30. grad. ad Radium ipsum. Item de Prop. 47.
El. 1. Demonstratione.*
Addita est
Appendix de Mediis proportionalibus in genere.

ERRATA.

PAg. 31. l. 9. pro *dupla*, lege *dupla*: l. 10. pro *duplicata*,
lege *duplicata*. pag. 42. l. 31. dele *in*: pag. 49. l. 3. pro
sibi lege *tibi*: pag. 55. l. 12. pro *arcnum* lege *arcum*: l. 21.
pro 4. lege 47. pag. 58. l. 23. pro 4000. lege 400. pag. 59.
l. 18. pro 4. lege 47. pag. 60. l. 6. pro *CN*, lege *BN*: l. 7. pro
BNgh, lege *BNgh*.



Contra Geometras.



Contra Geometras (amice Lector) non contra Geometriam hæc scribo. Artem ipsam, artium Navigandi, Ædificandi, Pingendi, Computandi, & denique (scientiæ omnium nobilissimæ) Physicæ matrem, æquè ac qui maximè, laudibus extollendam censeo.

Cæterùm ubi Geometræ Encomiis artis quam profitentur (imperitè an astutè nescio) suas ipsorum laudes immiscent, licitum mihi (puto) erit, distinguere. Quomodo autem Scientiam hanc laudare soleant Magistri ejus, ex uno *Clavio* intelligere possumus, laudante illam in Prolegomenis ad *Euclidem*, hoc modo.

Si vero Nobilitas atq; præstantia Scientiæ ex certitudine demonstrationum quibus utitur, sit judicanda; haud dubiò Mathematicæ disciplinæ inter cæteras omnes principem habebunt locum. Demonstrant enim omnia, de quibus suscipiunt disputationem firmissimis rationibus, confirmantq; , ita ut verè scientiam in auditoris animo gignant, omnemq; prorsus dubitationem tollant: Id quod aliis scientiis vix tribuere, &c. Et paulo infra:

Disciplinæ Mathematicæ veritatem adeo expetunt, adamant, excoluntque, ut non solum nihil, quod sit falsum, verum etiam nihil, quod tantum probabile existit, nihil denique admittant, quod certissimis demonstrationibus non confirmant.

Quibus verbis (quia *Sciens*, non *Scientia* demonstrat) non artem ipsam, sed magistros laudat: Certitudo Scientiarum omnium æqualis est, alioqui enim Scientiæ non essent, cum Scire non suscipiat magis & minus. Physica, Ethica, Politica si bene demonstratæ essent non minus certæ essent quam Pronunciata Mathematica, sicut nec Mathematica Scientiis aliis certior esset, nisi rectè demonstrarentur ea quæ pronuntiat.

Itaq; per hanc Epistolam hoc ago, ut ostendam tibi non minorem esse dubitandi causam in Scriptis Mathematicorum quam in Scriptis Physicorum, Ethicorum, &c.

Omitto inter Geometras dissensiones & mutua convitia, quæ signum certissimum Ignorantiæ sunt. Ipsa aggredior Principia, & interdum etiam Demonstrationes. Sive enim Principia falsa sint, sive illatio necessaria non sit, demonstratio nulla est. Pro Geometris autem omnibus oppugnabo *Euclidem*, qui omnium Geometrarum Magister existimatur, & interpretem ejus omnium optimum *Clavium*.

Itaq; primo loco examinabo *Euclidis* Principia: secundo, ea quæ principiis illis innitentia videntur mihi esse falsa; sive ea sint *Euclidis*, sive *Clavii*, sive cujuscunque Geometræ, qui Principiis illis, vel aliis falsis usi sunt; atq; ita oppugnabo ut meliora rejectis substituam, ne artem ipsam videar labefactare velle.

C A P. I.

De Puncto.

Definitio *Euclidis* prima, *Puncti* est, hæc! *Punctum* (Σημεῖον) est, *cujus pars nulla est*.

Quid Definitione hac intellexit *Euclides* difficile est scire. Signum enim, quatenus Signum, Nomen Quanti non est, sed Relationis, quanquam quicquid sit quod in Signum alicujus rei statuas visibile, necessariò corpus sit, & proinde Quantum etiam & Divisibile est, & partem habere potest. Etiam verba illa *cujus pars est nulla*, dupliciter intelligi possunt, aut pro
Indiviso

Indiviso (Pars enim non intelligitur, nisi ubi præcesserit divisio) vel pro Indivisibili, quod per naturam suam divisionis est incapax. In priori sensu Punctum quantitas rectè dicitur ; in posteriore non item ; cum omnis quantitas divisibilis sit in semper divisibilia. Itaque si punctum sit indivisibile, carebit Linea omni latitudine ; & quia nihil est longum quod non habeat latitudinem, erit linea planè Nihil. Quanquam enim Longitudo Lata non sit, Longum tamen omne Latum est. Videtur etiam *Euclidem* ipsum in ea opinione fuisse, Punctum quanquam partem actu non habeat, potentia tamen divisibile esse, & quantitatem ; alioqui non postulasset a puncto ad punctum duci posse Lineam rectam. Quod impossibile est, nisi Linea habeat latitudinem aliquam. Verum si ita senserit *Euclides*, sive aliter ; manifestum est Punctum divisibile esse ex eo, quod sectâ Lineâ in duas partes, habebit utraque pars duos Terminos, id est duo Puncta extrema, & per consequens Punctum Dividens secatur (si quantitas sit) in duas quantitates ; si nihil sit, in duo nihila. Etiam circulus secari potest in Sectores quotcunque, & proinde (cum omnis Sector desinat in Punctum) secabitur quoque Centrum in totidem Puncta, partes totidem Centri ; sive Centrum illud quantitas sit, sive Nihil.

Definitio ergo *Puncti* apud *Euclidem*, quemadmodum eam intelligunt Geometræ post *Euclidem* omnes, vitiosa est. Quam tamen si nullum in Geometria errorem peperisset, præteritissimam.

Definitio *Puncti* vera, & quæ vitium nullum in demonstrationibus illatura sit, talis esse debet ; *Punctum est divisibile quidem, sed cujus pars nulla in Demonstratione consideranda est*, id est considerandum est, non ut Punctum (quod Græcè *πῦλον* dicitur) neque ut *σημῖον* (quæ Græcè est distinctio visibilis) quæ ambo Quanta sunt ; sed ut Signum (quod Græcè est *σημαῖον*, quo verbo utitur *Euclides*). Signum enim, quanti nomen non est.

Est enim Geometria, scientia qua ex aliqua vel aliquibus mensuratis per ratiocinationem determinamus quantitates alias non mensuratas. Rectè igitur incepit *Euclides* a definitione Men-

suræ, qua mensurantur longitudines, & primo loco *mensuræ* illius terminum definiit, & *signum* esse dixit. Sed cujus rei Signum? Signum a quo *Mensuræ* terminus unus aut alter mensurato applicatur.

Præterea si *Punctum* indivisibile esset, id est Non-quantum, id est nihil, sequeretur (supposito, ut nunc supponunt scriptores Mathematici, quantitatem dividi in infinitum, ut punctum sit pars lineæ infinitè exigua) partem infinitè exiguam lineæ rectæ, & quadratum quod sit minima pars Quadrati, & Cubum qui sit minima pars Cubi, esse inter se æqualia.

CAP. II.

De Linea.

Lineam definit *Euclides* Longitudinem esse, sine Latitudine. Scilicet conformatur hæc ad Definitionem puncti, & propterea eadem omnia habet vitia. Nam ut Centrum circuli dividitur a sectoribus in partes quotlibet, ita etiam sectorum latera dividuntur secundum Latitudinem. Nam si Sector quilibet dividatur in duos sectores, quorum unus apud te esset, alter apud me, haberet uterque duo latera & propterea sive Latus illud medium habeat Latitudinem, sive non-Latitudinem, erit divisum in duas superficies vel in duas non-superficies. Itaque omni modo linea est divisibilis.


Linea ab aliis definitur *Puncti moti vestigium*, sive Via. De qua definitione *Clavius* sic loquitur. *Mathematici quoque ut nobis inculcent veram Lineæ intelligentiam, imaginantur Punctum jam descriptum superiori definitione, e loco in locum moveri. Cum enim punctum sit prorsus individuum, relinquetur ex eo motu imaginario vestigium quoddam longum omnis expert Latitudinis. Vide Mathematicorum, qui subtiliores multo sunt, quam qui operam dederunt studiis cæterarum artium, Clavium subtilissimum, scribentem, hoc loco, vestigium relinqui longum a motu ejus quod nullum habet Latitudinem, id est a motu Nihili. Sciunt tamen omnes, nihil moveri præter corpus, neque motum concipi nisi*

nisi corporis posse. Sed corpus omne motum, vestigium relinquit non modo longum, sed etiam latum. Definitio igitur lineæ debebat esse hujusmodi. *Linea est vestigium quod relinquitur a motu corporis, cujus quantitas non consideratur in demonstratione.*

C A P. III.

De Termino.

DEfiniuntur tertio loco, Lineæ Termini, hoc modo. *Lineæ Termini sunt Puncta.* Quam definitionem non reprehendo; sed ut ab ea, id quod antè dixi, nimirum Punctum non esse indivisibile, sed tantum in demonstratione non ut divisum considerari, inde ostendam. Si enim Linea secetur in Puncto bifariam, cum utraq; habeat duos Terminos, fitq; Punctum illud, in quo dividitur Linea, omnino nihil, duæ partes a divisione factæ se mutuò tantum tangerent ne haberent ullum Punctum commune. Et proinde Terminus extremus magis distabit a Termino alterius Lineæ ad quod est Punctum dividens, quam a sui ipsius Termino altero ad quem itidem ponitur idem Punctum dividens, id est, major est una partium quam altera, & proinde Linea illa divisa non est bifariam ut supponebatur. Exempli gratia. Lineam AB sectam bifariam in C , partes ejus se tangunt tantum ad C , & earum cujusque Termini (cum sint duæ Lineæ) sunt omnes quatuor; quare ad C erunt duo Termini, qui sint D et E , & per consequens, BD major est quam AC ; non est ergo AB divisa bifariam in C nisi D, C, E considerentur ut idem Punctum.



CAP. IV.

De Linea Recta.

DEfinitio quarta est, *Linea recta, talis. Linea recta est* *que ex a quo sua interjacet Puncta.* Id est (interprete *Clavio*) In qua nullum Punctum intermedium ab extremis sursum aut deorsum, huc vel illuc deflectendo subsultat, in qua deniq; nihil flexuosum reperitur. Non agnosco hic orationem Mathematicorum. Quomodo Punctum subsultat sursum & deorsum, huc & illuc non intelligo, non tamen credo quemquam esse qui rem ipsam, Lineam (inquam) rectam animo suo non satis rectè concipiat, ideâ nata ab aliqua Linea recta materiali, quanquam ideas suas, non omnes homines possunt oratione æquè declarare. Sed neq; contra, illi qui cogitata sua optimè describunt, sunt semper optimi Mathematici. Definire enim vocabula Artis cujuscunq; non est ipsius Artis, neq; forte omnino artis opus, sed partim Judicii Naturalis, quo distinguitur inter cujusq; rei Essentialia, & non Essentialia, partim Ingenii ad inveniendum verba & orationem prompti, quibus ea quæ Essentialia sunt propriè & adequatè significantur. Itaq; diversi homines eandem habentes ideam Lineæ Rectæ, non tamen eandem ejus definitionem assignaverunt. Indicat nobis hoc loco *Clavius* plurium doctorum hominum, *Lineæ Rectæ* definitiones. Primo loco *Procli*, nempe, Recta est quæ tantum præcisè occupat spatium, quanta est distantia inter Puncta ejus extrema. Secundo, *Platonis*, Recta est cujus intermedia Puncta obumbrant extrema. 3°. *Archimedis*, Recta est minima habentium terminos eosdem. 4°. *Campani*, Recta est brevissima a puncto ad punctum extensio. 5°. Eorum qui dicunt, Rectam esse quæ describitur a Puncto moto nec vacillante. Quibus ego addo aliam Authoris recentioris, Recta est cujus termini, salva quantitate, diduci non possunt.

Quarum definitionum quamnam sit cæteris præferenda, ex duabus rebus judicandum est, Idea, & Ufu. Ex Idea an vera sit; ex Ufu, an Principium Demonstrandi Idoneum sit. Idea juxta

juxta quam definita est a *Platone* Linea recta, Imago erat projectæ ab ea Umbræ, quam quidem projici vidit per rectam. Itaq; quid sit Recta satis conceperat; sed definitio illa planè sterilis est, nec ullius usus ad demonstrandum utrum Linea de qua quaritur, recta sit necne, neq; ad demonstrandam rationem rectæ ad curvam. *Procli*, *Archimedis*, & *Campani* definitiones verbis quidem differunt, idem autem significant, nempe Rectam esse, quæ inter eosdem terminos est brevissima, quæ orta est ab Idea visarum plurium Linearum conterminarum, quarum unica visa est recta & brevissima. Atq; hac definitione utitur *Archimedes*. Quis enim qui conceperit in Sphæra plures circulos Meridianos & Axem unicum, non judicabit Axem tum rectam esse Lineam tum brevissimam aliarum omnium quæ transeunt a Polo ad Polum. Idea unde nata videtur esse definitio ultima erat quod videret Extensionem nihil aliud esse præter diductionem extremorum Punctorum; contraq; Incurvationem nihil aliud esse quam adductionem terminorum eorundem. Quod Rectam definiunt *Vestigium Puncti moti nec vacillantis* a nulla Idea ortum est, nec oriri potuit; quia vacillare nihil dici potest, nisi respectivè ad Vestigium Lineæ jam antè ductæ. Neq; videtur magis vacillare Punctum dum describit circumferentiam circuli, quam dum describit Lineam rectam.

At definitio *Euclidis* omnino est insignificans. Quis enim intelligat quo modo Puncta media Lineæ, ex æquo jacent inter extrema?

Quo argumento ostensum est Punctum non esse sua natura, sed solummodo ut consideratum in demonstrationibus, indivisibile, eodem demonstrari potest, Lineam non esse sua natura sine Latitudine, sed solummodo quatenus considerata est inter demonstrandum.

CAP. V.

De Superficie.

DEfinitio quinta, *Superficies est quæ Longitudinem Latitudinemq; habet*, iisdem omnibus laborat vitiis cum definitione Lineæ; cum (exempli gratiâ) bases duorum hemisphæriorum duæ sunt, sive hemisphæriorum illorum alterum sit apud Indos Orientales, alterum apud Occidentales, sive se mutuò contingant. Dividitur ergo unà cum Spherâ etiam maximus ejus circulus, id est dividitur secundum Profunditatem. Profunda ergo est superficies quæ basis est hemisphærii.

CAP. VI.

De Superficie Terminis.

DEfinitio sexta, *Superficie Terminis sunt Lineæ*, probat (divisa Superficie) duos ejus Terminos, id est duas Lineas esse extremas utriusq; partis, & (per consequens) Lineam dividi posse bifariam ab uno ejus extremo ad alterum.

CAP. VII.

De Superficie Plana.

DEfinitio septima est, *Plana Superficies est, quæ ex æquo interjacet suas Lineas*, quam *Clavius* exponens oratione nihil significante, simili ejus qua usus est in explicanda definitione Lineæ Rectæ, *Plana* (inquit) *est Superficies, in qua partes omnes in rectum collocatæ sunt, ita ut nihil habeat incisum angulis, nihil anfractibus, nihil eminens, nihil lacunosum.* Quæ verba ab omni arte aliena, ne ipse quidem potuit intelligere. Quod autem partes Plani omnes in rectum collocatas esse dicat,

cât, impossibile est nisi Planum totum sit una Linea Recta; quod item Superficiem Planam talem esse dicit qualis est Superficies perpoliti alicujus marmoris, verum non est, nisi Conus aut Sphæra marmorea non potest perpoliri æquè ac Superficies Plana. Rem quidem ipsam & *Euclides*, & *Clavius* & omnes homines satis rectè concipiunt, sed quæ Superficie Planæ essentialia sunt, verbis explicare, saltem facile, non omnes possunt. Si Superficiem Planam esse dixeris, quæ describitur a Linea ita mota, ut singula ejus Puncta rectas Lineas describant, rectè eam definieris, & clarè, & Essentiæ ipsius consentaneè.


CAP. VIII.

De Angulo.

DEfinitio 8. *Angulus Planus, est duarum Linearum in Plano se mutuò Tangentium, & non in directum jacentium, alterius ad alteram inclinatio.* Ideam sive imaginem Anguli, de quo tam multa dicuntur a Geometris, impressam animo, pauci habent. Quicquid maxima ex parte in Superficie late patens, desinit in angustum, dicitur vulgò Angulus. Talem Ideam Anguli, etiam *Euclides* a conspectis duabus Lineis concurrentibus conceptam, videtur voluisse hoc loco verbis declarare; neq; (ut videtur) omnino cogitaverat aut audiverat quicquam de Angulo Contactus. Quanquam enim El. 3^o. Prop. 16. Conatur demonstrare Angulum factum a Tangente & circumferentia Circuli, minorem esse omni angulo acuto, nusquam tamen nominat Angulum Contactus, neq; de illo, sub alio quovis nomine, quicquam dicit. Itaq; non videtur voluisse comprehendere hac definitione Angulum Planum ullum, qui non fuerit ejusdem generis cum angulo Rectilineo. Quod etiam ex eo colligi potest quod ad anguli definitionem, necessariam putaverit esse conditionem, ne *Lineæ quæ angulum efficiunt jaceant in directum.* Verum quid voluisse

luisse videtur *Euclides*, conjicere frustra erit, Ipsam Definitionem verbatim consideremus.

Quod ut melius faciamus (cum sit res satis magni Mathematicis momenti, quæque magnas inter *Clavium* & *Pelletarium* contentiones excitavit) rem to-



tam descripta figura ponamus ante oculos.

Sit recta AB divisa bifariam in C, & Radiis AC, BC describantur duo circuli FI, GH; secetq; recta ED rectam AB ad angulos rectos in C.

Videamus primò, quænam sint duæ Lineæ quæ angulum constituunt; & quæ duæ angulum non constituunt. Rectæ DC, CE absq; dubio constituunt compositæ, unam rectam DE. Sed an item rectæ AC, CE constituent unam Lineam curvam incertum est; imò verò certum potius quod non. Nam punctum C considerabitur vel ut Quantum, vel ut Nihil. Si ut Nihil neq; Linea DE, neq; Linea FI duci potest, neq; considerari. Sin punctum consideretur ut quantum, considerabitur recta quidem DE ut rectangulum, & arcus FI ut orbis, alicujus latitudinis. Itaq; punctum C considerabitur ut pars utriusq; communis; & sic erit idem punctum consideratum ut majus & minus, id est ut quadratum, & circulus ipsi inscriptus. Quare duæ rectæ constituentes

stituentes angulum rectum nullo modo considerari ut una recta possunt. Multo autem minus, si constituunt angulum acutum. Quid ergo (inquiet forte aliquis) nullane neq; arte, neq; fortuna dividi potest Linea recta in partes aliquotas? Punctum enim si nihil sit, nusquam est, neq; in mediâ Lineâ, neq; in tertia, neq; in quarta parte ejus. Sin punctum sit quantum, auferetur per divisionem aliqua pars rectæ dividendæ. Ad quod respondeo. Rectè dividetur recta, si secemus eam per Lineam habentem exiguam aliquam latitudinem, ita ut partes utrinq; sint æquales, dicamusq; totius rectæ secandæ medietatem esse ad mediam latitudinis Lineæ secantis. Accuratiùs autem dividi bifariam (ab humana saltem potentia) non potest. Itaq; hæc verba *duarum Linearum*, &c. ut obscura reprehendo, propterea quod, quæ duæ lineæ, unam constituent vel non constituent, nondum docuerat.

Id quod facit duas Lineas compositas rectè vocari *unam*, est quod idem omnino habeant punctum commune, quale quidem habent arcus FC , CI ; sed non item FC , CD , neq; EC , CA .

Videamus secundo quænam sint Lineæ quæ ad faciendum angulum debent se *mutuò tantum tangere*, Et (quoniam locum hunc exponens *Clavius* angulum effici dicit ex hujusmodi *concurso* seu *inclinatione*) quid sit *duarum Linearum in plano concursus*. Etiam quid sit *jacere in directum*. Quid etiam sit *inclinatio*, quam *Clavius* eandem rem esse putavit cum concursu. Et quid sit *Lineam a Linea secari*.

Recta arcum (sive aliam Lineam curvam) *tangit tantum*, quando tangit quidem, tota tamen est extra circulum, ut nullum sit utriusq; commune punctum. Ut qui alicujus domus *januam tangit tantum*, is neq; intra domum est, neque in ipsa janua, sed totus extra.

Concurrunt autem duæ Lineæ quando utriusq; est aliquod commune punctum, necdum producitur ulterius.

Recta deniq; arcum secat quando pars rectæ est intra, pars extra circulum. Non est ergo eadem res contactus & concursus; neq; quæ se plusquam tangunt necessariò se mutuo

secant, neq; rectè interpretatus est hoc loco *Euclidem Clavius*.

Tertiò, videamus quid sit *jacere in directum*. Verba illa *jacere in directum* quem locum in Lineis non rectis habere possunt non intelligo; nam si *vera* sunt, juxta interpretationem *Clavii*, qui dicit duos arcus *FC*, *CI* *jacere in directum* etiam duæ semissies ejusdem circuli jacebunt in directum, & (quod inde sequitur) puncta omnia totius perimetri, *jacebunt in directum* & punctum potest moveri a loco suo donec ad eundem locum redeat motu directo, & fiat perimeter recta Linea.

Videamus quartò, quid sit *Inclinatio*. Quando recta rectæ ad angulos rectos insistit, non dicitur (juxta sermonem communem) omnino inclinari in utramvis partem rectæ cui insistit: Quando autem altera alteri insistit ad angulos obliquos tunc *inclinari* ad eam partem dicitur ubi angulus est acutus. Atq; hoc sensu *Inclinationem* intelligit in Elemento undecimo *Euclides*. Itaq; minima *Inclinatio* rectæ *CB* ad *CD* tunc est, quando altera ad alteram est perpendicularis; maxima autem quando admoveatur *CB* ad *CD* motu circulari ita ut ambæ coincident. Idem etiam dici potest de *Inclinatione* rectæ *CD* ad *CA*, & rectæ *CA* ad *CE*, & rectæ *CE* ad *CB*. Motus enim circularis cujullibet e quatuor rectis ad rectos angulos deinceps collocatis *Inclinationem* mensurat, adeoq; angulos eo motu generatos, & semper quo major est pars totius circuitiois quæ eo motu circulari conficitur, eò major est angulus.

Jam *Inclinatio* rectæ *CD* ad arcum *CI* quo pacto mensurari potest, cum partes omnes arcus *CI* diversas habeant inclinationes, nisi quod in puncto unico *C* *Inclinatio* maxima est, nempe puncti *C* quatenus in recta *DC* ad idem punctum *C*, quatenus in arcu *IC*. Itaq; angulus qui fit a curva *CI* & recta *CD*, omnino ad punctum ipsum *C* nullus est, nisi angulus contactus non sit ejusdem generis quantitatis cum angulo quem efficit Radius per motum circularem ad alium locum translatus. De quo fusiùs dicetur in examinatione Propositionis 16^æ Elementi tertii.

Videamus

Videamus deniq; cur ad constitutionem Anguli, necessari-
um fit ut duæ Lineæ ipsum efficientes non *jaceant in directum*,
cujus causam hanc reddit *Clavius*, quod nec duæ partes ejus-
dem rectæ nec duo arcus ejusdem circuli faciunt angulum.
Caterum non negabit angulum habere quantitatem, neq; du-
as quantitates (ejusdem generis proximi) -compositas ha-
bere quantitatem unius duplam, neq; duos angulos A C D,
A C E esse vere angulos ejusdem generis. Quomodo ergo
negabit duas rectas C D, C E constituere duos angulos rectos,
sive unum angulum recti duplum? Continent ergo duæ rectæ
C D, C E (quanquam in directum collocatæ sint) angulum.

Postremò, *Clavius* definitionem hanc *Euclidis* exponens sic
scribit, *Consistit autem anguli cujusvis quantitas in sola Inclinatione non in longitudine Linearum. Lineæ enim longius ex-*
currentes non augent suam Inclinationem; igitur neq; anguli
magnitudinem.

Quid ergo opus est omnino ad essentiam anguli lineis; quæ
minui possunt ambæ in infinitum, salva quantitate & natura
anguli? Etiam in angulo contactus, si minuatur arcus I C
quantum fieri potest, quænam erit differentia inter angulos
D C C & D C D? Scire hinc potes an accuratiores, acuti-
oresvè sint Mathematici quam aliarum artium studiosi. Re-
stat ut anguli plani naturam explicem, & inter angulum con-
tactus, & angulum ex circulatione distinguam; & utramq;
definiam si potero clariùs, accuratiùs, & ad usum Geometri-
cum accommodatiùs.

Centro A, motu Radii A B describantur duo circuli B C D,
E F G (neq; refert utrum A B sit recta an curva, quales
sunt curvæ punctis signatæ A B, A H; nam easdem describunt
tum Superficies tum Lineas.) Et a centro ad circumferen-
tiam ducatur recta A H utcunq;, secans circulum E F G in I.
Facit ergo A B, per motum circularem ad A H, angulum
B A H, & pergens ad C facit angulum majorem ejusdem
generis. Appellabimus autem hoc genus anguli *angulum ge-*
nitum

*nitam ex circula-
tione* sive motu
circulari Radii.
Itaq; Ideam an-
guli hujus gene-
ris perfectam ha-
bes. Coeterum ad
definitionem ejus
legitimam, inve-
stiganda prius ea
sunt, quæ ipsi
sunt essentialia,

Primum est,
ut sit quantum.
Hoc autem ma-
nifestum est ex
eo quod alter al-
tero major esse

potest; ut angulus BAC major est angulo BAH .

Secundò, quia anguli BAH , EAI æquales sunt, sed neq; rectæ AB , AE , neq; planæ BAH , EAI , æqualia sunt, certum est, Quod essentia anguli non consistit neq; in quantitate Linearum quibus, includitur neq; in quantitate Superficierum BAH , EAI ; neq; deniq; consistit essentia anguli in magnitudine arcuum BH , EI , cum anguli ipsi æquales sint, arcus æquales non sint.

Ubi ergo inuenimus æqualitatem illam propter quam æquales dicuntur duo anguli BAH , EAI ?

Duo anguli $B A H$, $E A I$ æquales vocantur, propterea quod æquales sunt partes, five potius, eadem pars totius circulationis Radii. Sunt enim duo arcus $B H$, & $E I$ facti a motu Radii (five recti five curvi) $A B$ eodem tempore. Itaq; æqualitas angulorum hujus generis consistit in æqualitate partium temporis in quo circulatio tota Radii perficitur. Atq; hinc est, nec aliunde, quod tum Anguli, tum Sectors in eodem circulo sumpti, sunt in eadem ratione cum suis arcibus. Habes ergo naturam Anguli ex circulatione geniti, nempe eandem

eandem cum natura circulationis. Et angulus ipse est pars circulationis totius. Et arcus & anguli sui eadem est quantitas. Nomen autem anguli, arcui datum est propter lineas quæ ductæ a centro ad circumferentiam faciunt ut Angulus conspiciatur. Neq; sunt illæ Lineæ rectæ de Essentia anguli, qui sine illis determinatur in arcu, quanquam Essentiales sint figuris angulatis, ut triangulis, quadratis, &c.

Ex his quæ dicta sunt de natura Anguli brevis & clara emergit Anguli hujus generis definitio hæc, *Angulus est circulationis* (five circulationis) Radii dum circumulum vel partem circuli describit, quantitas. *Dicere enim quod sit inclinatio Linearum*, aniculæ potius est sedentis ad angulum Camini, quam Mathematici, ejusdemq; accurati & rigidi.

Mensuram autem hujus generis angulorum agnoscunt omnes esse arcum circuli; agnoscunt item Mensuram & Mensuratum esse in eodem genere quantitatis. Idem ergo est quantitatis genus, Arcus & Angulus.

Consideremus jam naturam *anguli contactus*. Divisa A B. bifariam in K, Radio K B describatur Semicirculus B A; ducaturq; recta B L magnitudinis indefinitæ, sed parallela A F, quæ propterea tanget circulos B A & B D in puncto B. Supponamus *rectam aliquam*, ut B L æqualem arcui B A, impossibile enim non est. Supponamus etiam B L in omni ejus puncto æqualiter flecti, sive incurvari, ita ut coincidat cum arcu B A; neq; enim hoc est impossibile, quia ut arcus extensione fieri potest Linea recta, ita recta per flexionem converti potest in arcum circuli. Habemus ergo duos arcus B A, B D æqualiter curvos, quanquam magnitudine inæquales. Deinde si a puncto B ducatur recta B M secans utrumq; semicirculum, majorem in M, minorem in N, erunt quoq; arcus B M, B N æqualiter curvæ (cum sint in eadem ratione cum suis circulis integris.) Quanquam arcus B M major sit quam B N.

Præterea, in eodem circulo, quo minor est arcus, eo minorem habet curvitatem; in ratione ipsorum arcuum, qui in omni puncto æqualiter flectuntur, sive incurvantur.

Postremò, natura Anguli quem faciunt duo arcus B A, B C non

non consistit in quantitate Superficiei quam continent ; nam Anguli quantitas determinata, Superficies illa indeterminata est ; similiter neq; consistit natura Anguli quem faciunt recta B.L. cum arcu B.M. in Superficie indefinita, cui illæ duæ lineæ utrinq; adstant.

In quo ergo (inquires) consistit natura Anguli contactus duorum arcuum, vel arcus & rectæ? In eo quod Angulus ille determinat quantitatem curvitatæ ; ut ex modo dictis aperiè constat. Nam cum duo arcus B.D., B.A. sint æquè curvi, erunt etiam arcus B.M., B.N. (qui sunt ut arcus B.D. ad arcum B.A.) æquè curvi. Et quia arcus B.M. duplo curvior est sua semisse, puta arcui B.O., erit quoq; arcus B.N. duplo curvior quam est idem arcus B.O. sibi æqualis. Atq; idem omnino continget in omni alia proportionem arcus exterioris ad interiorem.

Itaq; arcus illi qui Angulum contactus dicuntur efficere, aliud non sunt (quoniam curvitas major, vel minor, vel æqualis, alteri curvitati esse potest) quam quantitas curvedinis circumferentiæ. Itaq; Angulum contactus, (quem, angulum dici volunt Geometræ) sic definio. *Angulus contactus est quantitas curvitatæ quæ est in arcu circuli facta a continua & uniformi flexione lineæ rectæ.*

Sequitur hinc, in puncto primo rectæ B.L., nempe puncto B, ubi nulla intelligi potest flexio, nullam esse curvitatem, & proinde rectam B.D. cum arcu B.M. in puncto B. constituere angulum rectum. Faterur enim *Clavius* longitudines linearum nil mutare in magnitudine Anguli ; nec ideo angulum contactus quicquam detrudere a magnitudine Anguli recti rectilinei D.B.L.

Sequitur etiam Angulum contactus non esse ejusdem generis cum angulo rectilineo (quod & *Clavius* faterur) cum curvitates arcuum æquales esse possunt tunc quando arcus ipsi sunt inæquales. Hæc tibi satis perspicuè puto explicavi. Sin argumenta *Clavii* contra *Pelletarium* assensum tuum etiam nunc impediunt, tollam ea cum istuc venero.

CAP. IX.

De Figura.

Definitio 13. nempe, *Terminus est quod alicujus extremum est*, sera venit; cum in 3^a & 6^a definiisset terminos Lineæ, & Superficieï esse Puncta.

Definitio 14. *Figura est quæ aliquo vel aliquibus Terminis comprehenditur*. Quæro hic primo, ad quam Vocem expressam vel subauditam refertur Vox Relativa *quæ*. Si refertur ad figuram, definitio erit (*Figura est figura quæ aliquo, &c.*) vitiosa. Sin ad Vocem *magnitudo*, tum definitio talis erit, *Figura est magnitudo quæ aliquo vel aliquibus terminis comprehenditur*; vel brevius, *Figura est magnitudo undiquaq; finita*. Quæ quidem definitio est legitima. Sed quomodo excludet ab hac definitione *Clavius* Finitam Lineam? Dicet fortasse, Lineam quæ *longitudo tantum est* Terminos alios non habere præterquam longitudinis, & propterea Figuram non esse. Quomodo ergo differunt inter se duæ Lineæ Finitæ inæquales quarum altera recta altera curva est, si non Figura? differunt enim plusquam longitudine.

Definitio 15. *Circulus est Figura plana sub una Linea comprehensa, quæ peripheria appellatur, in quam ab uno puncto eorum quæ intra Figuram sunt posita cadentes omnes rectæ Lineæ inter se sunt æquales*. Quam non reprehendo, sed quæro, primo, quare latera omnia simul quæ constituunt ambitum Polygoni, non æquæ una Linea sunt ac perimeter Circuli, qui Circulus Polygonum censerî potest laterum numero infinitorum? Si dicant differentiam consistere in eo quod duo latera Polygoni non habent punctum commune ad eos quos faciunt angulos, sicut habent duo quilibet arcus circuli, acquiescam. Cæterum si ita dicant, videant an *ἀπὸ βεβαιῶν* illam propositionis 47. Elementi primi non tollant, cui maxima pars Geometriæ innititur. Quæro secundo, cur non definivit Circulum a circumductione Radii, ut definivit Sphæram a circumductione Semicirculi; nam potuit; & fuisset definitio illa declaratio

generationis circuli, & per illam hæc definitio demonstrari breviter potuisset. In his igitur definitionibus reprehendo
 τὴν σκευήν.

Definitio 24. *Parallele rectæ Lineæ sunt quæ cum in eodem sint plano, & ex utraq; parte in infinitum producantur, in neutram sibi mutuò incident, vera quidem est Propositio, non autem bona Definitio.* Bona Definitio ingenerare debet auditoris animo Ideam Parallelismi, id est, Æquidistantiæ. At in hac definitione, ne una quidem vox est quæ significat aut æqualitatem aut duarum rectarum distantiam. Neq; omnino possibile est Ideam habere Lineæ infinītè productæ. Fortasse ex eo quod in neutram partem coincident, demonstrari potest, quod sunt parallelæ, sive quod ubiq; æque distant, sed ex alia Parallelarum, sive Æquidistantium definitione.

Deinde per bonas definitiones demonstrari solent & debent conclusiones primæ; hac vero *Euclides* nusquam utitur.

Definitio deniq; neq; demonstrabilis est, nec esse debet; cum sit Demonstrationis Principium; hanc autem demonstrabo a Definitione alia hac, *Parallele rectæ sunt in quarum una sumptis duobus punctis ad quodcunq; intervallum, ab illis punctis duæ rectæ facientes cum ipsa ad easdem partes angulos æquales, ductæ ad alteram sunt æquales.* Ex qua definitione necessario sequitur duas illas rectas productas nunquam esse concursuras, ut quæ ubiq; ab æqualibus rectis æqualiter inclinatis distinentur.

Definitio mea hæc Ideam Æquidistantiæ animo ingenerat, nec ab alia priore demonstrari potest; possunt autem ab illa multo brevius demonstrari parallelarum rectarum, vel etiam parallelorum planorum proprietates, quam aut ab *Euclide* aut a *Clavio* demonstrantur.

Atq; hæc dicta sufficiant de Definitionibus ad Elementum primum, ex quibus cognoscere potes quàm bene tum *Clavius*, tum *Euclides*, tum etiam eorum sectatores naturam Parallelarum, aut Anguli, aut Lineæ, aut Puncti intellexerunt. Videamus jam *Petitiones* utrum æquæ an iniquæ sint.

Petitio 1^a. *Ut a quovis puncto ad quodvis punctum, rectam Lineam ducere concedatur.*

Si concedatur Lineam habere Latitudinem aliquam visibilem, Æqua est. Nam a puncto ad punctum extendi potest ex lino filum; alioqui factum impossibile est, & propterea Petitio Iniqua est.

Sed illa *Euclidis* $\alpha\mu\mu\delta$ (etsi Latitudinem habeat) duci non potest, nisi in Plano. Planum autem describi non potest sine ope rectæ Lineæ, ita ut neq; recta *Euclidis* neq; superficies plana accuratè describi possit. Opus est instrumentis mechanicis, qualia sunt Regula & Norma, id est non accuratè. Æquum tamen esse fateor ut in opificiis humanis pro accurato habeatur, quod accurato est proximum. Sed quod Lineas Hyperbolicas & Ellipticas duci posse *Euclidistæ* non concedant (cum certius aliquanto Ellipsis & Hyperbole ope fieri duci potest, quam Linea recta ope Regulæ) Iniquum est. Itaq; quamdiu Geometræ Lineas has duci posse negant, tamdiu Petitio hæc Iniqua est, & propterea etiam Secunda haberi debet pro iniqua.

Definitiones Elementi secundi faciles sunt, & propter eam causam vitio carent. Idem dico de definitionibus Elementi 3ⁱ. fere omnibus. Fere, inquam,

Notandum enim est quod in secunda definitione Elementi 3ⁱ. definit *Tangere*, per *Tangere nec Secare*, incertum relinquens an Punctum Contactus intelligendum sit in una tantum Linearum contiguarum, an in utraq; an inter utramq;. Potest enim si (quod ille dicit) Punctum nihil est, considerari Punctum inter utramque; nam contigua possunt non modo loco disjungi, sed etiam qualitate aliqua differre, ut colore. Et propterea duo sunt; & sic habebimus tria puncta, nimirum duo in ipsis Lineis contiguis quorum alterum sit album, alterum nigrum, & inter illa duo puncta, tertium nullius coloris. Quemadmodum etiam duæ planæ Superficies admotæ ad contactum mutuum

erunt altera alba, altera nigra, altera nihil, & tamen omnes simul una Superficies.

Non dubito quin *Euclides* Tangentes circulorum semper ducendas putavit per diametrorum terminos; atq; ita Punctum Contactus semper commune fecit trium Linearum, nimirum, arcus circuli, Tangentis circulum, & Lineæ cujusdam per quam Tangens ab arcu dividi & loco separari posset. Neq; credibile est, si Contactum quid sit clarè explicuisset *Euclides*, controversiam inter *Claviuum* & *Pelletarium* de angulo Contactus ullam extitisse.

Definitio 10. *Similia circuli Segmenta sunt, quæ angulos capiunt æquales, aut in quibus Anguli sunt inter se æquales.* Si in duobus Segmentis circulorum valde inæqualium inscriberentur duo Anguli inter se æquales, credamne omnem hominem qui agnosceret Angulorum illorum æqualitatem, necessariò etiam agniturum esse ipsorum segmentorum Similitudinem inferri posse ratiocinando, id est inde vel aliunde demonstrari posse. Sed tunc non erit Definitio, nam ea debet esse indemonstrabilis.

Cum Geometria tota versetur circa Quantitates, commensurabilia & incommensurabilia, æqualitatem & inæqualitatem, Figurarum Proportiones & Similitudines; cumq; Principia demonstrandi sint definitiones; Quomodo excusari possunt Geometriæ Magistri qui tanto aliis accuratiores haberi volunt, quod nusquam neq; Quantitatem, neq; Mensuram, neq; Similitudinem definierunt. Neq; ipsam Geometriam, cui, ut videtur, studere homines æquum esse existimaverunt antequam scirent Cui bono? Geometriam rectè definies esse *Scientiam* qua ex aliqua vel aliquibus magnitudinibus mensuratis, cognoscimus per ratiocinationem alias non mensuratos. *Mensuram* autem esse materiale aliquid quod habenti magnitudinem applicatum semel vel pluries, ipsam æquat; videmus enim Lineas mensurari Pede, Brachio, &c, Plana Planis, Solida Solidis, Fluida Vasibus seu locis congruis. *Æqualia* autem esse dices quæ eidem loco congruere possunt. *Similia* quæ sola differunt magnitudine. *Quantitatem* deniq; magnitudinem definitam, nempe Expositione aut comparatione cum alia magnitudine cognita. Quæ defini-

nitiones.

initiones & faciles sunt & Principia demonstrandi.

Definitio etiam 10^a. El. 5ⁱ. *Similia circuli Segmenta sunt, quæ angulos capiunt æquales, vel in quibus anguli sunt inter se æquales*, Definitio non est, sed Suppositio. Quænam enim est tanta illa affinitas inter æqualitatem duorum angulorum & Similitudinem duorum Segmentorum circuli, ut qui intelligit angulos in Segmentis esse æquales, necessario statim intelligat Segmentorum Similitudinem.

Clavius ad Prop. 22. hujus Elementi tertii demonstrat, quod Si duo aut plures circuli se mutuo tangant interius in uno Puncto, a quo duæ aut plures rectæ educantur, erunt & arcus inter quascunq; duas Lineas intercepti, & arcus inter quascunq; Lineam & Punctum Contactus intercepti, similes. Exempli gratia in Figura ad Cap. VIII, arcus duos B M, B N demonstrat esse similes. Et quidem rectè. Sed ex eo sequetur arcum utrumq; habere latitudinem aliquam, majorem majorem, minorem minorem, alioqui falsum erit, Apelle judice, vel alio quovis Pictore; cum in similibus arcubus inæqualibus latitudines ipsorum arcuum æquales esse non possunt, sed in ipsorum arcuum ratione inæquales. Etiam ut longitudines inæquales quatenus longitudines, similes sint dictu absurdum est.

Hactenus Peccata Definitionum Euclidis leviora. Quæ tamen si demonstrationes nullas inficiunt, pro nullis habeantur. Accedo jam ad definitiones Elementi quinti, quæ pertinent ad doctrinam Rationum, & Proportionum, Geometriæ medullam.

C A P. XI.

De Ratione.

PRima est, *Pars est magnitudo magnitudinis minor majoris, cum minor metitur majorem*. Si per Partem intelligat partem aliquotam, & inter partes aliquotas numerat Totum (nam æquale metitur æquale) bona est; & eadem in lineis est res, pars & mensura.

Definitio

Definitio 3^a. *Ratio est duarum magnitudinum ejusdem generis mutua quædam secundum quantitatem habitudo.* Quis ex Definitione hac, Latina sive Græca, naturam Rationis comprehendere intellectu potest? Quid enim est *eiusdem generis*? Ubi hoc in antecedentibus explicavit? Quid est illud *quædam*, sive (ut Græcè sonat) *aliqualis habitudo*? Quid deniq; habitudo? Neq; hoc usquam definivit, neq; Quantitatem.

Ideam Rationis (de qua hoc loco *Euclides*) omnes perfectam habent. Mercator scit ex Quantitate collatæ a se pecuniæ, quantum habere debet lucri. Colonus non ignorat quantum usum agri communis habere debet, ex quantitate agri sibi proprii. Mercator qui tertiam partem collatæ pecuniæ contulit, statim dicet debere sibi tertiam partem lucri. Colonus qui possidet tertiam partem agri privatim, promptè postulabit tertiam partem usûs agri communis. Unusquisq; enim videt inesse in ea re comparisonem Quantitatis ad Quantitatem, quantitatis expensi ad quantitatem accepti. Sed Ideam hanc ita oratione generali adæquate complecti, ut inde Regulas generales demonstrare possit, non facile potest unusquisq;. Juxta hanc Ideam vulgarem, proportionem in Numeris optimè definivit *Euclides* Def. 24^a. El. 7ⁱ. etsi eo loco non Rationem sed Proportionem dicat. Proportionem autem in alio sensu dicit in Def. 4^a. El. 5ⁱ. pro Rationum similitudine. Quod parvi momenti peccatum est, nisi quod inconstantia in vocabulis signum sit obscuritatis in intellectu. Sed Ideam illam quam habuit *Euclides* a partibus iisdem numerorum, magnitudinibus quæ non semper sunt ut numerus ad numerum, adaptare non potuit. Itaq; omiſsa illa responsione partium ad partes, coactus est Ideam aliam quærere tum magnitudinum, tum numerorum communem. Noverat in quatuor proportionalibus primum ad secundum *ita se habere* (Græcè *οὕτως ἔχει*) ut tertium ad quartum. Itaq; a cogitatione vocis *ita habeat*, quasi ab Idea ipsa rei (converso Verbo *ἔχει* in Nomen *ἔχειν*, seu, Verbo *habere* in Nomen *habitudo*) formavit Rationis Definitionem illam sterilem, *Ratio est duarum magnitudinum ejusdem generis secundum quantitatem habitudo quædam*, sonum verborum secutus pro Idea rei.

Antequam Rationem definiam, necessarium est definire Quantitatem, & quantitatum diversa genera inter se distinguere. Interroganti enim Quantum est, qui ita responderet ut interrogantis animus acquiescat in eo quod responderetur, necesse est ut magnitudinem de qua quæritur, vel exponat ad oculos, vel determinet per comparisonem cum alio quanto per mensuram determinato. Animus enim in Indefinitis non acquiescet.

Sed quia non omnia quanta mensurantur per lineam, nec per Superficiem, nec per Solidum, totidem erunt genera mensuræ, quot sunt genera quantorum. Corpus mensuratur tot mensuris quot habet dimensiones, & proinde tria habet diversa genera quantitatum, nempe Lineam, Superficiem, & Soliditatem; quarum quantitatum unius pars, pars alterius esse non potest. Et in universum Quantitates illæ diversi generis sunt, quarum, pars unius non est pars alterius; vel ut definitur ab *Euclide* quarum una quantumvis multiplicata nunquam alteram superabit.

Lineæ ergo omnes five rectæ five curvæ ejusdem sunt generis quantitates; & quia curva extendi potest, ita ut fiat (non mutata quantitate) recta, altera earum multiplicata, alteram superare potest.

Ab his tribus generibus *Clavius* excludit Numerum tanquam genus ab omnibus tribus diversum Non rectè. Numerus semper est in eodem genere quantitatis cum Numerato. Neq; genere differunt Unum & Plura. Numerus autem & Plura idem sunt. Numerus Linearum, & Lineæ habent idem genus quantitatis. Item Numerus Angulorum & Angulus; Temporum & Tempus, &c. Quod *Clavius* Lineam finitam & Lineam infinitam ejusdem esse generis negat superfluum est, tanquam si quis diceret Ens & non-Ens esse diversi generis, Linea enim infinita nulla est. Quod autem dicitur in Mathematicis *Infinum*, id significat solummodo indeterminatum, five indefinitum, id est, quod quantum sit non est dictum.

Distinguendum etiam est inter Quantum & Quantitatem quorum unum nunquam dicitur de altero.

Præterea etsi Magnitudo, ut Longitudo, Superficies, Soliditas,

tas, solis corporibus tribui propriè possunt, Quantitas tamen multis aliis rebus tribui rectè potest. Quicquid enim est de quo verè dicimus, quod majus vel minus alio est, vel æquale, vel de quo verè dicitur magis vel minus vel æqualiter est, habet illud quantitatem & dimensionem vel unam vel plures, & proinde,

Tempori sua quantitas est quæ exponi potest per Lineam.

Motui est sua sibi quantitas exponenda per Lineam.

Etiam Vis habet suam sibi quantitatem exponendam per Lineam vel Planum. Et Pondus quantitatem suam quæ exponi potest etiam per Lineam vel Solidum. Nec tamen inde inferri potest, aut tempus, aut motum, aut vim, aut pondus, esse Lineam aut aliam magnitudinem.

Deniq; Ratio (quoniam Ratio alia aliâ major est vel minor) quantitatem habet, & per duas Lineas exponitur. Quando-
cunq; enim exponuntur duæ Lineæ, non modo exponuntur ipsæ, sed etiam ipsarum Ratio. Ratio enim est (ut eam definiam) *magnitudinis ad magnitudinem Relatio*. Neq; exponi potest nisi per duas Lineas, quarum altera Antecedens altera consequens (ut in omnibus ferè aliis Relationibus) appellatur.

C A P. XII.

De iisdem Relationibus.

Def. 6. **I**n eadem ratione magnitudines dicuntur esse, prima ad secundam, & tertia ad quartam, cum prima & tertia æquè multiplicia, a secunda & quarta æquè multiplicibus, qualiscunq; sit hæc multiplicatio, utrumq; ab utroq; vel una deficient, vel una æqualia sunt, vel una excedunt; si ea sumantur quæ inter se respondent.

In hac Definitione nulla mentio est *habitudinis unius magnitudinis ad aliam*, cum tamen ex Definitione Euclidis verba illa sunt de *Rationis essentia*. Itaq; aut definitio Relationis aut definitio ejusdem Relationis vitiosa est. Neq; Axioma est, quia non est lumine naturali cognoscendum. Neq; est ex antecedentibus

dentibus demonstrabile. Neq; deniq; de quantitate continua demonstrabile est ex subsequentibus. Et tamen vera est propositio, & conversa Prop. 12. hujus Elementi quinti. Demonstrari autem potest per definitionem quam ego posui hanc, *Ratio est duarum magnitudinum secundum quantitatem Relatio*, & demonstratam vidi.


Clavius, sentiens (ut puto) definitionem hanc egere defensione, longam, de causa propter quam *Euclides*, *quatuor magnitudines proportionales & non proportionales*; per earum æquæ, *multiplicia definierit*, orationem instituens, nullam adfert causam aliam, præterquam quod propter multarum magnitudinum incommensurabilitatem coactus sit investigare aliquid, quod certum sit convenire quibuscunq; numeris eandem habentibus proportionem, deinde idem demonstrare convenire etiam in commensurabilibus. Hoc tamen nusquam præstitum est. Itaque idem est ac si dixisset, ideo illum proportionalia sic definiisse, quia definitionem meliorem nondum poterat reperire.

Exponentur quatuor numeri proportionales 8. 4 :: 6. 3. Vides hic duas Relationes totius ad dimidium; sunt enim totum & dimidium Relativa, & Relatio totius 8 ad dimidium suum 4. eadem Relatio quæ totius 6. ad suum dimidium 3. Idem dici etiam potest de tertiis, quartis, &c. æquæ ac de dimidiis. Patet ergo Rationem esse Relationem; & Rationem eandem esse Relationem eandem. Et propterea proportionem in numeris *per Partes easdem* rectè definivit *Euclides*. Sed invenire debuit aliquid quod Rationibus etiam magnitudinum incommensurabilium conveniret. Cur autem non fecit? An impossibile erat? Nescio, nisi quod sit difficile. Duæ Lineæ simul atq; ductæ sunt, habent inter se Rationem suam, quæcunq; ea sit. Et quæ Causa efficiens erat ipsarum Linearum, eadem erat & causa ejus quam habent inter se Rationis. Causa ipsarum Linearum efficiens erat Ductio, id est motus, quare etiam Causa efficiens Rationis quam habet earum altera ad alteram erat motus ille idem, ex quo motu Lineæ ipsæ ortæ sunt. Etiam Ratio illa eadem erat in Motibus ipsis quibus illæ Lineæ erant *descriptæ*. Quærenda ergo est Rationis duarum Linearum inæqualium *identitas*, sive *æqualitas*, sive *similitudo*

(quæ tria nomina in Rationibus idem significant) in Motuum inæqualium aliqua similitudine, id est, in responsione partis ad partem vel portionis ad portionem (sive illæ partes aliquotæ sint, sive non sint) itaq; qui tales motus excogitaverit, proportionalia ipsa determinabit ductisq; Lineis rectis determinabit exponetq; oculis.

Factu autem difficile non est. Nostri enim *motu sive ductu Lineæ uniformi*, partes Lineæ descriptas æqualibus temporibus semper esse inter se æquales. Item si Linea descripta sit eadem semper velocitate partes ejus æqualibus temporibus descriptæ esse etiam inter se æquales.

Sit recta AB descripta motu uniformi, in Tempore quocunque; & in parte aliqua ejusdem temporis, eodem motu uniformi, descripta sit AD pars rectæ AB. Quoniam ergo motus uniformis erat in omnibus partibus æqualibus temporis, descriptæ erunt partes æquales tum totius rectæ AB, tum rectæ AD. sive illæ partes toti AB sint, vel non sint commensurabiles.



Eodem tempore, motu uniformi quidem, ut ante, sed tardiore, sit descripta recta AC. faciens cum AB angulum quemcunq; BAC; & quo tempore descripta erat AD, eodem intelligatur descripta AE. Quare in rectis AC, AE, pro partibus sive portionibus sumptis in AB, portiones æquales semper describentur in AC, eodem modo quo tota AB respondet toti AC, & pars AD parti AE.

Habebunt ergo partes æquales factæ æqualibus temporibus in AC ad partes æquales factas æqualibus temporibus in AB, eandem rationem singulæ ad singulas, quam habet tota AC ad totam AB, sive etiam quam habet AE ad AD. Etiam partes omnes æqualibus temporibus factæ in EC (differentia inter AC, AE) ad partes omnes æqualibus temporibus factas in BD (differentia inter AD & AB) singulæ ad singulas, eandem habebunt rationem quam AC tota ad AB totam, vel AE pars ad AD partem.

Quare

Quare si AB & AD sint incommensurabiles, & proinde etiam AC , AE incommensurabiles; intelliganturq; quotlibet partes æquales sumptæ in AB ita ut restet ad complendam AB , pars minor quam una earum partium; & totidem partes æquales intelligantur sumptæ in AD , ita etiam ut restet ad complendam rectam AD , minor quam una harum partium; fiatq; idem in rectis AC , AE , omnes illæ partes æquales simul sumptæ in AB habebunt eandem rationem ad totam AB quam habent partes similes æquales sumptæ in AC ad ipsam AC ; & quam habent omnes similes partes æquales sumptæ in AD ad ipsam AD ; & quam habent omnes similes partes æquales sumptæ in AE ad ipsam AE .

Eadem ergo sunt rationes quas determinat sive exponit motus uniformis (id est motus æqualibus temporibus æquales rectas describens) eodem tempore, nempe ratio AB ad AC , vel AD ad AE vel differentiæ DB ad differentiam EC , sive in commensurabilibus sive in incommensurabilibus.

Quare *rationes easdem Definitio esse illas quas exponit in duabus rectis motus uniformis æqualibus temporibus; vel universalius in eadem ratione sunt quæ determinantur a causa quacunque temporibus æqualibus æqualia efficiente.*


In eadem Figura, si jungatur BC , & ducatur DF parallela EC secans BC in F , erit triangulum $BD F$ simile toti triangulo BAC , propter angulos ad A & D æquales & angulum ad B communem. Similes autem Figuræ non sunt quæ differunt plus quam magnitudine; nam si non essent æquiangulæ, aut non haberent latera circa æquales angulos proportionalia, non esset inter eas ulla figuræ similitudo. Eadem ergo est ratio AB ad DB , quæ CA ad DF . Sed ut AD ad DB , ita ostensa est esse CA ad EC . Sunt ergo DF & EC æquales; & proinde (ducta DE) triangula ADE , ABC sunt similia.

Ad definitionem hanc, Propositiones illæ quæ sequuntur in Elemento quinto, de Permutatione, Conversione, Compositione, &c. Rationum, accurrunt, & ad lucem ejus omnes ferè sese demonstrant. *Euclidis* autem demonstrationes duplo plures sunt, propterea quod idem in quantitate continua seorsim a numeris demonstrat; & multo longiores quam erat

(quæ tria nomina in Rationibus idem significant) in Motuum inæqualium aliqua similitudine, id est, in responsione partis ad partem vel portionis ad portionem (sive illæ partes aliquotæ sint, sive non sint) itaq; qui tales motus excogitaverit, proportionalia ipsa determinabit ductisq; Lineis rectis determinabit exponetq; oculis.

Factu autem difficile non est. Nostri enim *motu sive ductu Lineæ uniformi*, partes *Lineæ descriptas æqualibus temporibus semper esse inter se æquales*. Item si Linea descripta sit eadem semper velocitate partes ejus æqualibus temporibus descriptæ esse etiam inter se æquales.

Sit recta AB descripta motu uniformi, in Tempore quocunque; & in parte aliqua ejusdem temporis, eodem motu uniformi, descripta sit AD pars rectæ AB. Quoniam ergo motus uniformis erat in omnibus partibus æqualibus temporis, descriptæ erunt partes æquales tum totius rectæ AB, tum rectæ AD. sive illæ partes totæ AB sint, vel non sint commensurabiles.



Eodem tempore, motu uniformi quidem, ut ante, sed tardiore, sit descripta recta AC. faciens cum AB angulum quemcunque; BAC; & quo tempore descripta erat AD, eodem intelligatur descripta AE. Quare in rectis AC, AE, pro partibus sive portionibus sumptis in AB, portiones æquales semper describentur in AC, eodem modo quo tota AB respondet toti AC, & pars AD parti AE.

Habebunt ergo partes æquales factæ æqualibus temporibus in AC ad partes æquales factas æqualibus temporibus in AB, eandem rationem singulæ ad singulas, quam habet tota AC ad totam AB, sive etiam quam habet AE ad AD. Etiam partes omnes æqualibus temporibus factæ in EC (differentia inter AC, AE) ad partes omnes æqualibus temporibus factas in BD (differentia inter AD & AB) singulæ ad singulas, eandem habebunt rationem quam AC tota ad AB totam, vel AE pars ad AD partem.

Quare

Quare si AB & AD sint incommensurabiles, & proinde etiam AC , AE incommensurabiles; intelliganturq; quotlibet partes æquales sumptæ in AB ita ut restet ad complendam AB , pars minor quam una earum partium; & totidem partes æquales intelligantur sumptæ in AD , ita etiam ut restet ad complendam rectam AD , minor quam una harum partium; fiatq; idem in rectis AC , AE , omnes illæ partes æquales simul sumptæ in AB habebunt eandem rationem ad totam AB quam habent partes similes æquales sumptæ in AC ad ipsam AC ; & quam habent omnes similes partes æquales sumptæ in AD ad ipsam AD ; & quam habent omnes similes partes æquales sumptæ in AE ad ipsam AE .

Eadem ergo sunt rationes quas determinat sive exponit motus uniformis (id est motus æqualibus temporibus æquales rectas describens) eodem tempore, nempe ratio AB ad AC , vel AD ad AE vel differentiæ DB ad differentiam EC , sive in commensurabilibus sive in incommensurabilibus.

Quare *rationes easdem Definitio esse illas quas exponit in duabus rectis motus uniformis æqualibus temporibus; vel universalius in eadem ratione sunt quæ determinantur a causa quacunque temporibus æqualibus æqualia efficiente.*

In eadem Figura, si jungatur BC , & ducatur DF parallela EC secans BC in F , erit triangulum $BD F$ simile toti triangulo BAC , propter angulos ad A & D æquales & angulum ad B communem. Similes autem Figuræ non sunt quæ differunt plus quam magnitudine; nam si non essent æquiangulæ, aut non haberent latera circa æquales angulos proportionalia, non esset inter eas ulla figuræ similitudo. Eadem ergo est ratio AB ad DB , quæ CA ad DF . Sed ut AD ad DB , ita ostensa est esse CA ad EC . Sunt ergo DF & EC æquales; & proinde (ducta DE) triangula ADE , ABC sunt similia.

Ad definitionem hanc, Propositiones illæ quæ sequuntur in Elemento quinto, de Permutatione, Conversione, Compositione, &c. Rationum, accurrunt, & ad lucem ejus omnes ferè sese demonstrant. *Euclidis* autem demonstrationes duplo plures sunt, propterea quod idem in quantitate continua seorsim a numeris demonstrat; & multo longiores quam erat

necessè, propter sterilitatem definitionis Rationis.

Sed quid (inquires) opus est Theorematum purè Geometricorum, demonstrationes a motu petere. Respondeo primo. Demonstrationes omnes nisi Scientificæ sint, vitiosæ sunt; & nisi a causis procedant, Scientificæ non sunt. Secundo, nisi conclusiones a constructione, id est a descriptione Figurarum, id est a Linearum ductione demonstrantur, vitiosæ sunt. Jam omnis Linearum ductio motus est; itaq; vitiosa est omnis demonstratio cujus Principia prima non continentur in definitionibus motuum quibus Figuræ describuntur. Sed post theoremata aliquot prima demonstrata, cætera ab his dependentia non egent demonstratione quæ sit a motu, ut quorum demonstrationes in demonstrationibus priorum continentur, nec alia re egent, ut intelligantur, præter illorum priorum explanationem, vel conversionem.

C A P. XIII.

De Rationum calculo.

Definitio 10. irreprehensibilis est, nempe hæc. *Cum autem tres magnitudines proportionales fuerint; Prima ad tertiam duplicatam rationem habere dicitur ejus, quam habet ad secundam: At cum quatuor magnitudines proportionales fuerint; prima ad quartam triplicatam rationem habere dicitur ejus, quam habet ad secundam; Et semper deinceps, uno amplius quamdiu proportio extiterit.*

Est autem quod reprehendi potest & debet in expositione hujus definitionis apud *Clavium*.

Sic enim scribit, *Interpretes nonnulli colligunt ex hac definitione, si proponantur plures quantitates continue proportionales, proportionem primæ quantitatis ad tertiam, esse duplam proportionis primæ quantitatis ad secundam, eo quod Euclides illam vocet duplicatam proportionem hujus. Eodem modo volunt, proportionem primæ quantitatis ad quartam, esse triplam proportionis, quam habet prima quantitas ad secundam, &c. Quod tamen nulla*

la est ratione concedendum. Neq; enim *Euclides* hoc significare voluit, sed docuit tantummodo proportionem primæ quantitatis ad tertiam, appellari duplicatam ejus proportionis, quam habet prima quantitas ad secundam; propterea quod inter primam quantitatem, ac tertiam reperitur quodammodo proportio primæ quantitatis ad secundam duplicata; quippe cum inter primam quantitatem, ac tertiam interponantur duæ proportiones æquales ei proportioni, quam habet prima quantitas ad secundam, & sic de cæteris, ut diximus. Non autem intelligit, illam duplam esse hujus, ne Theorema proponeret, quod merito quispiam concedere recusaret. Quis enim affirmabit, in his numeris continue proportionalibus 25. 5. 1. proportionem 25. ad 1. duplam esse proportionis 25. ad 5. cum potius eam quis dixerit esse quintuplam?

In illis qui putant, positis tribus continuè proportionalibus, rationem primi ad tertium duplam esse rationis primi ad secundum; item positis quatuor proportionalibus, rationem primi ad quartum triplam esse primi ad secundum, ubi primum est omnium maximum, etiam ego sum. Exempli gratia in his numeris 8. 4. 2. 1. dico rationem 8 ad 1 esse triplam rationis 8 ad 4; & sesquialteram rationis 8 ad 2; & rationem 8 ad 2 duplam esse rationis 8 ad 4. Non solum quia *Euclides* rationes illas triplicatas vel duplicatas appellat, sed quia verum est, & lumine naturali æquè manifestum, ac unum & unum esse duo, aut unum & duo esse tria.

Vox qua utitur hoc loco *Euclides*, nempe διπλασίον, & vertitur à *Clavio* duplicata, aliis in locis utitur pro dupla. Primo in Prop. 20. El. 3°. Itaq; angulus in Centro, non minus dicitur duplicatus anguli in circumferentia, quam duplus. Etiam a *Clavio* vertitur vox illa Græca διπλασίον non modo per duplex, sed etiam per duplus; in propositione ipsa & in conclusione per duplex, scilicet ne dissentire videretur propositio a conclusione; sed in demonstratione, per duplus. Si ergo duplicatum, duplex, & duplum, in quantitatibus non idem significant, non debuit illis uti ut idem significantibus.

Rursus in Propositione ultima El. 9. eadem voce Græca utitur *Euclides* pro ratione 2 ad 1 vel 4 ad 2, ubi rursus *Clavius* illam

illam reddit per *duplam*. Nonne ergo & ipse *Clavius* ex eo quod dixit *Euclides* duplicatam, intellexit (sicut alii) duplam. Qui verbi ejusdem significationem modo unam modo aliam facit, mihi quidem videtur subjectam rem nullo modo intelligere. Quo autem nomine appellabunt rationem 8 ad 4 comparatam cum ratione 8 ad 2? Dicent illam esse hujus *subduplicatam*, & rationis 8 ad 1 *subtriplicatam*. Numerum autem numeri subduplum dicent, non subduplicatum; & numerum 2 numeri 6 non subtriplicatum sed subtripulum, Nomina Latinæ genti inaudita. Itaq; cessantis jam Linguae verba quæ velut Testamenta morte confirmata sunt, & quæ mutari non debent, suo arbitrio sine necessitate mutat. Quid enim omnino significat subduplum aut subduplicatum, si significat aliquid præter dimidium aut subtripulum vel subtriplicatum præter tertiam partem. Retinebo ergo vocabula propria, *duplicatum* vocans etiam *duplum*, & triplicatum tripulum; nec pro *subduplicato* & *subtriplicato* dubitabo dicere *dimidium*, & *tertiam partem*, vel (si libet) *trientem*. Etiam in Rationibus, (quanquam id non concedat *Clavius*) similiter dicam, nisi id falsè dici ostendat. Quod enim rogat, *Quis affirmabit in his numeris* continuè proportionalibus 25. 5. 1, proportionem 25 ad 1 duplum esse proportionis 25 ad 5? Potius eam quis dixerit esse quintuplam, nihil probat. Quid, quia terminus primus est quintuplus, secundi, & secundus tertii, ob eam causam dixerit aliquis rationem 25 ad 1, quintuplam esse rationis 5 ad 1 potius quam duplam? Manifestum est rationem 25 ad 5 esse rationem unicam, & rationem 5 ad 1 esse etiam unicam & ipsi æqualem; & rationem 25 ad 1 componi ex illis rationibus duabus æqualibus. Quid aliud ergo negat *Clavius* nisi rationem ex duabus rationibus æqualibus compositam constituere unius earum duplam? Cur autem hoc negat? Quia numerus 25 numeri 5 est quintuplus, scilicet oblitus quæstionis, quæ non instituitur de numero vel magnitudine aliqua absoluta, quæ sit alterius quintupla, sed de ratione quæ est magnitudo comparativa; itaq; rationem unicam 25 ad 5 computavit pro quinque rationibus. Natus est error *Clavii* ex eo quod vulgo apud

apud Mathematicos vocabatur ratio quintupli ad simplum quintupla ratio, & ratio dupli ad simplum (ut El. 9^o. Prop. ult.) ratio dupla imperitè & falsò; nam ratio 2 ad 1 non est ratio dupla, sed simpla, nempe dupli ad simplum. Nequicquam valet quod illustrationis causa subjungit, quemadmodum etiam proportio octupla dupla est proportionis quadruplæ; cum tamen quadruplæ duplicata sit sedecupla, ut hic patet 16. 4. 1. Difficile conceptu est quomodo octupla proportio magis sit quadruplæ duplæ, quam octuplicata sit quadruplicatæ duplicatæ. Esto autem octupla proportio quadruplæ dupla. Quid sequitur? Nonne quemadmodum in his numeris 16 unitates duplæ sunt octo unitatum; ita sedecem rationes duplas esse octo rationum, & proinde etiam duas rationes 16 ad 4, & 4 ad 1 duplam esse rationis 16 ad 4, vel 4 ad 1; id quod *Clavius* demonstratum nollet?

Postremò, obijciens quærit; in tribus magnitudinibus æqualibus, vel in tribus æqualibus numeris, ut 4. 4. 4. atq; adeo continuè proportionalibus, qui fieri potest ut proportio primi ad tertium dupla sit proportionis primi ad secundum, cum sit omnino eadem? Profecto si ratio 4 ad 4 nempe ratio æqualis ad æquale, id est ipsa æqualitas quantitas sit, valida est objectio. Sin quantitas non sit, frivola est; cum nihil ad nihil additum, vel per nihil multiplicatum semper facit nihil. Antequam autem ad hanc & alias ejus objectiones respondeam, non abs re erit *quantorum* genera amplius (ex ipsis *Euclide* & *Clavio*) distinguere, & quid sit rationum *additio* & *subtractio*, ex iisdem, explicare; & cur in tribus continuè proportionalibus, quorum primum est maximum, rationem primi ad tertium duplam esse dixi rationis primi ad secundum; non tamen quando primum est minimum.

CAP.

CAP. XIV.

Adhuc de Rationum calculo.

Def. 5^a. El. 6ⁱ. hæc est, *Ratio ex rationibus componi dicitur*, cum rationum quantitates inter se multiplicatæ aliquam effecerint rationem, & vera est. Nam si sint proportionēs illæ duæ eædem vel non eædem, siue prima maxima sit, vel non maxima, semper illis conveniet Definitio. Exempli gratia in his numeris 4, 2. 6, 3. ubi rationes sunt eædem, si multiples inter se antecedentes 4 & 6, qui faciunt 24, & consequentes 2 & 3 qui faciunt 6, ratio nascens erit ratio 24 ad 6, id est 4 ad 1, id est duplicata rationis 4 ad 2, vel 6 ad 3. Rursus in iisdem numeris inversis 2, 4. 3, 6 multiplicatis inter se tum antecedentibus tum consequentibus oritur ratio 6 ad 24 siue 1 ad 4, quæ est duplicata rationis 2 ad 4. Rursus sint rationes non eædem, ut in his numeris 4, 2. 6, 4 multiplicatis tum antecedentibus tum consequentibus gignetur ratio 24 ad 8 siue 12 ad 4. Expositis autem his numeris 12. 6. 4, erit ratio 12 ad 6 eadem cum ratione 4 ad 2, & ratio 6 ad 4 eadem quæ antè. Idem in horum conversis continget 2, 4. 4, 6. Atq; hinc intelligere licet quid sint illæ quas appellat *Euclides rationum quantitates*, nempe rationum antecedentes & consequentes. Nec tamen voluit tantam esse rationem quanta est antecedens, aut quanta est consequens ejus; quantum utraq; est quantitas absoluta; sed neutra earum ratio. Quantitatem autem rationis 4 ad 2 interpretatur *Clavius* per fractionem $\frac{4}{2}$; & rationem 6 ad 3 per $\frac{6}{3}$, quas appellat etiam rationis Denominatores; quas si inter se multiples, habebis quidem fractionem cujus Numerator ad Denominatorem rationem habet compositam ex rationibus 4 ad 2 & 6 ad 3; propterea quod etiam sic multiplicantur inter se tum antecedentes tum consequentes ut prius; non est autem fractio $\frac{4}{2}$ nec $\frac{6}{3}$ ratio composita, nec omnino ratio, cum sit pars quantitatis absolutæ. Aliud enim est $\frac{4}{2}$ id est 4, aliud ratio quaternarii ad unitatem. Ratio enim duabus lineis exponitur semper, at quantitas absoluta unica. Quod

Quod *Clavius* hic scribit, *Quoniam denominator cujuslibet proportionis exprimit quanta sit magnitudo antecedens ad consequentem, dici solet propterea quantitas rationis.* Rectè quidem dicit *exprimit*, non rectè autem *Arithmetici* dicunt *esse*, nempe quotientem Divisionis numeri per numerum esse rationem ipsam Divisi ad Divisorem, unde multa in Geometriam irreperunt absurda, & plura indies consequuntur; quorum causa magna ex parte fuit *Clavii* hac impropria locutio. Qualis etiam videtur tibi hac oratio in Mathematicis, *quanta sit magnitudo antecedens ad consequentem?* Debebat enim dicere, *quanta est magnitudo antecedens ut comparata cum consequente, vel quanta est ratio magnitudinis antecedentis ad magnitudinem consequentem?* Scio *Clavium* Linguae Latinae scientissimum fuisse, sed huic illius sententiae de compositione rationum inimica erat elocutio clara.

CAP. XV.

Etiam de Rationum Calculo.

Clavius ex hac Def. 5^a. El. 6^a. rectè infert, *Quod in magnitudinibus quibuscunque ordine positis, proportio primæ ad ultimam dicetur componi ex proportionibus primæ ad secundam, & secundæ ad tertiam, & tertiæ ad quartam, &c.* Cujus etiam demonstrationes aliquot adfert ex *Theone*, *Vitellione*, *Eutocio* & *Apollonio*, ita ut nullo modo a *Clavio* negari possit, qui eandem (in numeris) pro definitione ad El. 7^m. posuit. Itaq; in tribus lineis A, B, C ordine expositis ratio A ad C, componitur ex rationibus A ad B, & B ad C; & rursus ratio C ad A componitur ex ratione C ad B & ratione B ad A.



CAP XV

Per definitionem 5^{am}. El. 5ⁱ. quæ hæc est, *Rationem habere inter se magnitudines dicuntur, quæ possunt multiplicatæ sese mutuo superare* explicat *Euclides* (ut

rectè dicit *Clavius*) quidnam requirant duæ quantitates ejusdem generis ut rationem dicantur habere, nempe, si non habeant hanc conditionem ut altera possit multiplicata alteram superare, non esse illas neq; ejusdem generis, neq; habere inter se Rationem.

Unde manifestum est primò Lineam, Superficiem, & Solidum esse diversa genera, vel potius diversas species quantitatis. Nulla enim harum quantumvis multiplicata alteram superabit.

Secundò, Angulus genitus ex motu circulari, & Angulus Contactus, diversæ sunt species quantitatis. Angulus enim Contactus nulla unquam multiplicatione superabit Angulum genitum ex motu circulari.

Tertiò, Ratio majoris ad minus, & ratio minoris ad majus, sunt diversæ species quantitatis. Nam ratio minoris ad majus quanto magis multiplicatur tanto semper minor est.

C A P. XVI.

Etiam de Rationum calculo.

C*lavius* ad Prop. 23. El. 16. aliam habet methodum componendi rationes. Sint duæ rationes 6 ad 4, & 2 ad 8 componendæ. Fiat ut 2 ad 8, ita consequens 4 ad aliam 16; eritq; ratio 6 ad 16 composita ex rationibus 6 ad 4, & 2 ad 8. Positis enim ordine his numeris 6, 4, 16, priores duæ habent rationem 6 ad 4, posteriores duæ rationem 2 ad 8.

Habet etiam methodum auferendi rationem minorem a majore. Sit ratio 1 ad 4. auferenda ratione 2 ad 4. Fiat ut 2 ad 4 ita antecedens 1 ad aliam 2; & collocentur ordine tres numeri 1, 2, 4. Ratio 1 ad 4 componitur ex rationibus 1 ad 2, & 2 ad 4. Quare ab lata ratione 2 ad 4 ex ratione 1 ad 4, reliqua est ratio 1 ad 2.

Similiter si ex ratione 3 ad 2 auferenda sit ratio 2 ad 3, fiat ut 2 ad 3, ita 3 ad aliam 4½. Nam positis ordine, 3, 4½, 2, ratio 2 ad 3, id est ratio 3 ad 4½, aufertur a ratione 3 ad 2, & relinquitur

quitur ratio $4\frac{1}{2}$ ad 2. Atq; hæ methodi ambæ comprobantur a *Clavio* ad Prop. 23. El. 6.

CAP. XVII.

Responsio ad quædam quæsitæ Clavii.

Respondeo jam ad quæsitæ *Clavii*, & primo ad hoc, *Qui fieri potest ut positis tribus magnitudinibus æqualibus 4, 4, 4 ratio primæ ad tertiam dupla sit rationis primæ ad secundam, cum sit omnino eadem?*

Quoniam ratio primæ 4 ad secundam 4, quantumvis multiplicata nunquam superabit rationem eandem 4 ad 4 neque quantumvis per medias interpositas divisa ab illa superabitur, manifestum est rationem 4 ad 4 (& in universum) æqualis ad æquale) non esse quantitatem, neq; posse æqualitates alias aliis majores vel minores esse. Inæqualitatum autem alia alia major esse potest, & proinde habet quantitatem. Jam quod quærit *Clavius* quomodo positis ordine 4, 4, 4 ratio primæ ad tertiam dupla esse potest rationis primæ ad secundam idem est ac si quæsisset quomodo positis tribus cifris 0, 0, 0 ratio primæ ad tertiam potest esse dupla rationis primæ ad secundam; cum revera & propriè loquendo, unum nihil, alterius nihil neq; duplum neq; duplicatum est.

Rursus *Clavius* ad finem El. 9ⁱ. ut probet rationem duplicatam, non esse rationem duplam, sic scribit. *Imprimis igitur compositionem proportionum* (vocalis enim ratio & Proportio aliter quam *Euclides* promiscuè utitur) *de qua Euclides agit Def. 10. Lib. 5, &c. & in propositionibus duplicatam triplicatam, & compositam proportionem de magnitudinibus vel numeris demonstrat, dico non esse verè additionem proportionum, ita ut duplicata vel triplicata proportio sit duplo aut triplo major ea proportionem cujus illa dicitur duplicata, triplicatave; item ut proportio ex pluribus proportionibus composita sit verè totum quippiam, cujus partes sunt proportionem ex quibus dicitur composita. Nam, &c. Si positis his terminis continuè proportionalibus 1. 10. 100,*

F 2

proportio

proportio 1 ad 100 non solum duplicata diceretur proportionis 1 ad 10, sed verè esset duplo major, &c. quis non videt partem esse majorem toto?

Respondeo primò non videri mihi rectè illatum ex eo quod 1, 10, 100 sunt continuè proportionales & ex eo quod ratio 1 ad 10 majus sit ratione 1 ad 100, partem esse majorem toto.

Secundò, si illatio legitima sit, necesse est, quanquam absurda sit, sit tamen vera. Nam ipse *Clavius* utrumq; affirmat (nec quisquam negat) nempe, & rationem 1 ad 100 esse totum, cujus pars est ratio 1 ad 10; & rationem 1 ad 10 majorem esse ratione tota 1 ad 100. Itaq; si qua hic verè subsit adsurditas, *Clavii* est, nec solum illorum qui dicunt rationem duplicatam esse duplam. Latet autem illa vel in assumpto hoc, *In magnitudinibus quibuscunq; ordine positis, rationem primæ ad ultimam composita est ex rationibus intermediis*; vel in diverso genere rationis majoris ad minus a genere rationis minoris ad majus. Quare proprietates tum rationum ordine positarum, tum utriusque generis rationum diligentius paulo considerabimus.

Et primo, in rationibus ejusdem generis, siue magnitudines decrescant perpetuò a majore ad minus, siue perpetuò crescant a minore ad majus, compositio vera est. Sint enim tres numeri 100, 10, 1, quæ rationes sunt majoris ad minus. Manifestum est rationem 100 ad 1 compositam esse ex rationibus 100 ad 10, & 10 ad 1, eandemq; tum duplicatam tum duplam esse rationis utriusvis 100 ad 10, vel 10 ad 1. Item inversim, ubi rationes 1, 10, 100 sunt minoris ad majus, manifestum est rationem compositam 1 ad 100 æqualem esse ambabus rationibus 1 ad 10, & 10 ad 100 inter se æqualibus.

Deinde in his numeris 16, 4, 2 manifestum est rationem compositam 16 ad 2 æqualem esse duabus rationibus 16 ad 4, & 4 ad 2, quarum prima ratio secundæ est duplicata, tota autem ejusdem secundæ triplicata. Item in his numeris illorum inversis 2, 4, 16 composita ratio 2 ad 16 æqualis est duabus rationibus quarum secunda est primæ duplicata, composita autem ejusdem primæ triplicata.

Etiam in tribus aliis quibuscunq; magnitudinibus quarum
prima

prima est maxima, tertia vero minima, idem continget; ut in his numeris 12, 8, 2, ubi ratio primæ ad secundam est eadem quæ 3 ad 2, ratio autem secundæ ad tertiam eadem est quæ 2 ad $\frac{1}{2}$. Componamus has primò juxta definitionem traditam ab *Euclide*, Def. 5. El. 6, per multiplicationem inter se tum antecedentium, tum consequentium. Oritur autem ratio 12 ad 2, cujus partes componentes erunt rationes 3 ad 2, & 2 ad $\frac{1}{2}$; id est (multiplicatis omnibus terminis per 4) ratio 12 ad 2 composita ex rationibus 12 ad 8, & 8 ad 2.

Deinde componamus easdem per regulam compositionis aliam traditam a *Clavio* ad Prop. 23. El. 6^a. Fiat ergo ut 8 ad 2, ita 2 ad aliam $\frac{1}{2}$. Expositisq; numeris 3, 2, $\frac{1}{2}$, erit ratio composita 3 ad $\frac{1}{2}$ æqualis rationibus componentibus 3 ad 2, & 2 ad $\frac{1}{2}$. Nam multiplicatis omnibus terminis per 4, nascentur numeri 12, 8, 2 iidem qui prius.

Itaq; nihil video quo minus propositio illa, nempe, *ratio primi ad ultimum composita est ex rationibus intermediis* pro vera habeatur. Adverto etiam obiter rationes componendi Methodum hanc Clavianam esse veram rationum Additionem. Non autem ut vult *Clavius* Multiplicationem.

Quomodo autem eadem propositio, nempe, *rationem primi ad ultimum compositam esse ex rationibus intermediis*, locum habeat quando una ratio est majoris ad minus, altera minoris ad majus difficile explicatu est. Sint continuè proportionales 1, 10, 100. Sed alio ordine collocatæ, ut 1, 100, 10. Cum ergo per propositionem illam universalem, ratio 1 ad 10 composita est ex rationibus 1 ad 100, & 100 ad 10, sicut totum ex partibus, erit ratio 1 ad 100 pars rationis 1 ad 10. Sed quota pars? Ea scilicet pars quam *Geometrix* nunc appellant subduplicatam rationis 1 ad 10. Quia vero ratio 1 ad 100 minor est quam ratio 1 ad 10, erit pars 1 ad 100 minor quam reliqua pars quanto ratio una minor est quàm duæ & sunt ambæ rationes 1 ad 100, & 100 ad 10 partes rationis 1 ad 10, si modo ratio 100 ad 100 (quæ quantitas non est) pro quantitate computetur; alioqui ratio 100 ad 10 non potest esse pars rationis 1 ad 10. Neq; enim duæ quantitates diversi generis, quales ostendi suprà esse rationes minoris ad majus, & majoris ad minus, partes ejusdem quantitatis esse possunt.

Quo

Quo ergo sensu, inquires, verum est componi rationem 1 ad 10 ex rationibus 1 ad 100, & 100 ad 10? Respondeo, verum esse secundum verborum sensum proprium, nimirum si ratio 100 ad 10 five ratio 10 ad 1 addatur rationi 1 ad 100 nasci rationem compositam 1 ad 10 æqualem duabus rationibus 1 ad 100, & 1 ad 10. Id quod facilius intelliges, si prius duo illa genera rationum quomodo crescunt, minuuntur, componuntur, & alterum ab altero subtrahitur, clarè explicavero.

Sumantur ergo quinq; magnitudines continue proportionales in ratione majoris ad minus, exempli causa, 81, 27, 9, 3, 1, quarum inversæ 1, 3, 9, 27, 81. sunt in ratione continua minoris ad majus; & media omnium est 9. In his, incipiendo a maxima definendo in media tres primæ sunt rationes majoris ad minus; incipiendo autem a minima, definendo in media, tres primæ sunt rationes minoris ad majus.

Rursus incipiendo a maxima, ratio primæ ad tertiam est major ratione ejusdem primæ ad secundam, nempe duplo major; Contrà incipiendo a minima, ratio primæ ad tertiam minor est ratione primæ ad secundam, nimirum duplo minor.

Tertio, incipiendo a maxima, semper prima majorem rationem habet ad eam quæ propior est tertiæ, quam ad eam quæ ab eadem tertia est remotior; Contrà vero incipiendo a minima, semper prima minorem rationem habet ad eam quæ tertiæ propior est quam ad eam quæ a tertia est remotior.

Quarto, incipiendo a maxima, rationes sunt excessuum quibus majores superant minores; Contrà verò incipiendo a minima, rationes sunt defectuum quibus minores deficiunt a magnitudine majorum.

Quinto, ratio tertiæ ad tertiam (quæ est æqualitas) in rationibus excessuum minor est omni ratione excessus; contrà verò, ratio æqualitatis major est omni ratione defectus; & quia ratio æqualitatis quantitas non est, erit quantitas rationis defectus minor nihilo, tanto quanto ratio excessus ipsi respondens major est nihilo.

Exempli gratia exponantur in

81.	27.	9.	3.	1.
2.	1.	0.	1.	2.

margine eadem magnitudines proportionales; & quia ratio 81 ad 9

duplicata

duplicata est rationis 27 ad 9, sub 81 ponatur 2; & sub 27 ponatur 1, quæ significant duplicatam rationem & unam rationem; ponatur autem cyphra sub 9, propterea quod ratio 9 ad 9 quantitas non est. Similiter sub 1 ponatur 2, & sub 3 ponatur 1. Vides itaq; rationem 81 ad 9 duplo majorem esse ratione 27 ad 9, quia rationes illæ sunt ut duæ rationes excessus ad unam; item rationem 1 ad 9 duplo minorem esse ratione 1 ad 3, propterea quod sunt ambæ rationes defectus. Quoniam igitur ratio 1 ad 9 duplo minor est quam ratio 1 ad 3, manifestum est rationem 1 ad 3 duplo majorem esse quam ratio 1 ad 9.

His intellectis ostendendum est quomodo in his numeris 1. 100. 10, ratio 1 ad 10 componitur ex rationibus 1 ad 100, & 100 ad 10.

Quoniam enim rationes 100 ad 10 & 10 ad 100 simul additæ faciunt rationem æqualitatis, id est altera alterius quantitatem extinguit, restabit ratio 1 ad 10 pro summa rationum 1 ad 100 & 100 ad 10; Ut qui unum dederit carenti duobus, facit ut careat tantummodo uno.

Atq; hoc exactè convenit cum Def. 5^a. El. 6^a. Nam antecedentes rationum 1 ad 100, & 100 ad 10, sunt 1 & 100; consequentes autem 100 ad 10. Antecedentes in se multiplicatæ faciunt 100; consequentes autem multiplicatæ in se faciunt, 1000, sed ratio 100 ad 1000 eadem est cum ratione composita 1 ad 10. Componitur ergo ita ratio 1 ad 10 ex rationibus 1 ad 100 & 100 ad 10, ut partes componentes sint vere partes rationis compositæ. Sed rationes 1 ad 100 & 100 ad 10 non sunt partes ejusdem rationis compositæ 1 ad 10; neq; esse possunt, cum sint diversi generis rationes.

Vides ergo rationem duplicatam duplam quoq; esse, hoc est duplo majorem esse ratione quæ duplicari dicitur. Ut in iisdem proportionalibus 1. 10. 100. ratio defectus, 11 ab 100 duplicata est rationis defectus 10 ad 100 (duplicata scilicet defectus ratione) & propterea etiam duplo major, quia sublatio defectus quantitatem auget.

Manifestè hinc sequitur Theorema hoc universale.

Si fuerint quotcunq; magnitudines continue proportionales,

nales, quarum prima est maxima; quanto prima ad aliam a se remotiorem quam est proxima, maiorem rationem habet quam ad ipsam proximam; tanto in iisdem magnitudinibus, inverso ordine collocatis, minima maiorem rationem habet ad sibi proximam, quam ad remotiorem in eadem distantia. Exempli gratia, in his magnitudinibus, 81. 27. 9. 3. 1. quanto major est ratio 81 ad 3 quam ratio 81 ad 27; tanto major est ratio 1 ad 3 quam ratio 1 ad 27, quanquam Geometrae qui nunc sunt id non concedant.

Sed ex iis quæ hætenus dicta sunt, constat naturam Rationis ne *Euclidi* quidem penitus perspectam fuisse; multo autem minus *Clavio*; sed minime omnium illis qui nunc Algebristæ perhibentur. Nam hi, a *Clavio* docti denominatorem rationis indicare ipsius quantitatem (ut 4 five $\frac{4}{1}$ denominat, indicatq; quantitatem rationis 4 ad 1, & $\frac{2}{3}$ indicat rationem 2 ad 3) sunt autem illi denominatores nihil aliud præter Quotientes natas ex divisione numeri per numerum, temerè arripuerunt quasi rem demonstratam, *Fractionem & Rationem eandem esse rem*, nempe quantitatem absolutam & quantitatem comparativam; quæ comparativa, quantitas omnino non est nisi respectu ad aliam rationem. Rationis enim magnitudo non determinatur, nec exponitur per unam lineam sicut quantitas absoluta, sed per duas. Atq; ab hoc errore tot absurda consequuta sunt, ut vix magno volumine commodè contineri possint; quorum præcipua infra paucis considerabimus, imò cum aliis quæ ex aliis principiis falsis in Geometrarum scripta irrepsérunt.

Numerat duodecem alia genera rationum *Pappus*, quorum duo considerat in commentario ad Def. 6. El. 5. *Clavius*, nimirum rationem Arithmetica & rationem Harmonicam sive Musicam. Atq; Arithmetica quidem satis bene convenit Definitioni rationis tradita ab *Euclide*. Nam quantitates duæ quarum una alteram superat quantitate determinatâ habent inter se habitudinem quandam secundum quantitatem. Ratio autem quam Harmonicam vocant est habitudo quædam non duarum sed trium magnitudinum. De utraq; satis multa & ingeniosa habet *Clavius*. Ratio autem Arithmetica eadem est,

est, cum quanto prima superat secundam vel ab ea superatur, tanto secunda superat tertiam vel ab ea superatur. Sed ratio Harmonica eadem est, quando extremæ sunt inter se ut differentia a media sumptæ, major extrema ad majorem differentiam, & minor ad minorem.

Putasne in aliis Scientiis majus peccatum inveniri posse quam est in Geometria non rectè explicasse quid sit Ratio? Quis scriptor Ethicus usus est definitione *Boni* non bona, vel Politicus definitione *Juris* vitiosa? Attamen ejusdem est in Geometria momenti definitio Rationis cujus est in doctrina Ethica definitio *Boni*, & in Politica definitio *Juris*?

Deinde, quod dicit *Clavius*, proportionem illam in tribus numeris ubi major extremorum est ad minorem ut differentia majoris & medii ad differentiam medii & minoris, esse Musicam seu Harmonicam, temerè dictum est. *In his* (inquit) *numeris 6. 4. 3, est ut 6 ad 3, ita 2 differentia duorum majorum, ad 1 differentiam duorum minorum. Quoniam autem 6 & 3. faciunt consonantiam Diapason; 6 & 4 consonantiam Diapente; & denique 4 & 3 consonantiam Diatessaron, vocari solet hæc proportio Harmonica.* Quod si ita sit, cur non etiam in his numeris 6. 3. 2. vel in his 42. 12. 7. quæ cadunt sub eandem definitionem, eadem sunt consonantiæ: Quare autem facit ratio 6 ad 3, vel totum quodlibet ad suum dimidium, consonantiam Diapason, nescivit *Clavius*. Id enim primus omnium docuit *Galileus*, postquam *Clavius* mortuus esset. Nugæ meræ sunt homine Mathematico indignæ. Hactenus de Principiis *Euclidis*. Sequitur Principium aliud quibus utuntur hodie Geometræ tale.

CAP. XVIII.

De Radice numerica, & Latere Quadrati.


SI quadrati duo latera angulum rectum continentia divisa fuerint, utrumq; in quotlibet partes magnitudine & numero æquales, numerusq; partium unius lateris multiplicatus

tus fit per numerum partium alterius (id est si duo illi numeri æquales multiplicentur inter se) factus erit numerus quadratorum quorum latera sunt singulæ partes lateris totius quadrati. Exempli gratia, si quadrati latus sit longum 100 pedes, multiplicentur autem 100 pedes per numerum 100, unde factus erit decies mille pedes, erunt (ut illi assument) illi decies mille pedes, totidem quadrata, quorum uniuscujusq; latus sit unus pes; & decies mille pedes longitudine simul sumptos æquales esse toti quadrato. Similiter multiplicatis 1000 pedibus per numerum 100, oritur Cubus a toto latere. Potuerunt eadem ratione diviso latere quadrati bifariam, ex multiplicatione 2 in 2 pronuntiare quatuor semilatera æqualia esse ipsi quadrato.

Hæc tu absurdiora esse putabis quam ut quisquam ita computaret. Sed ita est; nec moniti ab illa computatione desistunt. Ita computavit Geometra quidam qui propter Librum quem inscripsit *Mesolabium* celebris est, monitusq; erroris respondit, ita se computasse sicut computarunt Geometræ omnes qui fuerunt, qui sunt, & qui post erunt aliis in annis. Nihil ergo hic calumniæ est. Quid autem illos a sensu communi seducere tantum potuit?

Decepit illos Primò, idea quadrati numeri qualis appingitur, in qua latera multiplicata in se faciunt numerum quadratum.

Secundò decepti illos, quod crediderint, eandem esse rem, multiplicare partes inter se, & ducere unum latus in alterum, juxta ideam quadrati Geometrici tale, ubi tria latera multiplicata per 3 æqualia esse volunt in ipsi quadrato.




Tertiò, decepti illos autoritas Archimedis (cujus hominis propter stupendissimum ingenium mentionem hoc loco invitatio facio) qui magnitudinem circumferentiae circuli per hujusmodi multiplicationem demonstrare conatus est. Deinde sæculo proximo superiore in calculo sub-

tenfarum

tenfarum eadem methodo usus est *Copernicus*, & *Regiomontanus* in doctrina Triangulorum, & postremò *Clavius* in Tabulis condendis Sinuum, Tangentium, & Secantium.

Ex hoc errore nascitur alius, nempe, Radicem numeri quadrati esse quadrati Geometrici latus. Siquidem enim multiplicatio numeri producat quadratum Geometricum, necessariò sequetur radicem numeri facti esse ipsum latus. Non videbant enim, in numeris quadratum numerum & radicem ejus, esse ambo earundem rerum numeros; & proinde radicem numeri quocunq; quadratorum, numerum esse etiam quadratorum, quemadmodum radix centum hominum sunt decem homines.

Postremo decepit illos, quod eandem rem esse putarint latus quadrati Geometrici, & Radicem quadrati numeri. Itaq; regulam Algebrae, quæ regula est purè Arithmetica, ad Geometriam imperitè applicantes ex ingeniosissima reddiderunt absurdissimam, pro Linea, Quadrato, & Cubo, Unitatem promiscuè supputantes. Exempli gratia cum scripsisset quidam, Si AD ponatur dupla DV & a tota AV detrahatur AS media proportionalis inter ipsas AD, & DV, quæ relinquitur VS erit major duarum Mediarum proportionalium inter ipsas AD, DV; ad hoc confutandum sic ratiocinatus est Professor quidam Geometriæ publicus.



Ponatur DV æqualis 1. AD erit 2. Ponatur AS media proportionalis inter AD, DV, & detrahatur ab AV. Relinquetur VS.

Ergo VS æqualis est 3 minus radice 2.

Quæ multiplicata in se Cubicè facit 45 minus Radice 1682, quod minus est quam quatuor Cubi a DV; quia 45 minus Radice 1681, æquales sunt quatuor Cubis a DV.

Cum ergo Cubus ab AD sit 8, erit Cubus ab VS minor dimidio Cubo ab AD, id est minor majore Mediarum inter AD & DV.

Non disputo hoc loco an major Mediarum duarum revera
G 2 fit

fit VS , sed specimen exhibeo Algebrae hodiernae, per quam DV est linea 1, & per consequens AD est 2 lineae; & per consequens (secundum huiusmodi Algebraistas) Cubus AD aequalis est 8 lineis; & 45 quadrata a DV minus Radice 1681 aequalia quatuor lineis, nempe, quadruplus rectae DV .

Reputa tecum an haec non sint magis absurda quam ulla quae inveniri possunt in Ethicis aut Politicis *Platonis* aut *Aristotelis*.

Regula autem Algebrae talis est, Theorema quod quaeritur, supponatur verum esse; vel quod faciendum est supponatur factum. Ex eo supposito (assumptis aliis cognitis) inferatur conclusio, & ex his aliae conclusiones, donec veniatur ad Principia, aut ad vera aliunde cognita, quot sufficiunt ad suppositi demonstrationem, vel donec veniatur, si ita contingat, ad absurdum aliquod. Nam si ducaris ad vera quot sufficiunt ad demonstrationem, ex illis veris conversis suppositum demonstrabitur; sin incidas in absurdum, falsum esse scis.

Hac usus est methodo primus (quantum scio) Diophantus, paucis adhibitis notis (praeter literas) symbolis Radicum, Quadratorum, Cuborum. Nunc autem tota Algebra aucta symbolis ab Oughtredo, & Cartesio, & ab his ad Geometriam applicata nomen obtinuit Geometriae symbolicae; infecitque huius aevi Geometras, Geometriae verae pestis.

Dixi de Principiis. Videamus nunc an non sit etiam aliqua *Euclidis* vel *Clavii* demonstratio cujus forma sit illegitima.


C A P. XIX.

Prop. 16. El. 3. examinata.

Quae ab extremitate diametri cujusque circuli ad angulos rectos ducitur, extra ipsum circulum cadet: & in locum inter ipsam rectam lineam, & peripheriam comprehensum, altera recta linea non cadet, & semicirculi quidem angulus quovis angulo

angulo acuto rectilineo major est; reliquus autem minor.

In circulo ABC , cujus centrum D , diameter sit AC , ad quam ex A , puncto extremo perpendicularis ducatur. Dico hanc lineam perpendicularem necessario extra circulum cadere. Si enim cadit intra ipsum, qualis est AB ; ducta DB : erunt duo anguli DAB , DBA aequales; sed DAB rectus est per constru-



ctionem: Igitur & DBA rectus erit, quod est absurdum. Duo enim anguli in triangulo minores sunt duobus rectis. Non igitur cadet perpendicularis intra circulum; neq; eandem ob causam in ipsam circumferentiam, sed extra, qualis est EF . Dico jam ex A , inter AB , rectam & circumferentiam AB , non posse cadere alteram rectam.

Hæc est demonstrationis *Euclidis* (interprete *Clavio*) pars prima; quam dico vitiosam esse. Primò, quod punctum A dicit esse neq; intra circulum neq; in circumferentia ejus. Cum enim punctum A sit terminus semidiametri DA , a qua describitur circumferentia ABC , necesse est ut punctum A sit in ipsa circumferentia. Intulit ergo hanc conclusionem contra ipsam *Euclidis* constructionem, qui supponit perpendicularem FE duci ab extremo puncto diametri. At concesso punctum A non esse in circumferentia, sed perpendicularem

pendicularem FE solummodo radere sive tangere circulum in A ; erit tamen punctum A extra circulum & ab eo separabile, more contiguum. Itaq; ducta per terminum diametri recta quadam parallela ipsi Tangenti FE , illa cadet inter rectam AE & arcum AB , contra demonstrationem hujus partis primæ. Perpendicularis enim ducta per terminum diametri non erit ipsa Tangens AE , sed ipsi parallela, nec secabit circulum, sed habebit punctum cum circulo commune, nempe ipsius diametri terminum.

Deinde quoniam utriusq; semicirculi sunt duo termini, erunt in duobus semicirculis contiguis, ad terminum diametri, duo puncta. Nihil ergo prohibet, quicquid sit punctum, quin duobus terminis pro uno sumptis, diameter una cum minutissima parte arcus (cum plusquam punctum illud Geometrarum, nihil commune sit rectæ perpendiculari & arcui) haberi possint pro lineis quæ faciunt angulum rectum. Nam crura angulorum de anguli essentia omnino non sunt; & sic falsum quoq; erit quod in tertia parte demonstrationis ponit, *angulum quem facit perpendicularis cum arcu, quovis angulo acuto rectilineo esse minorem.*

Porro in secunda & tertia parte demonstrationis sic dicit, *Quoniam ostensum est omnem rectam ex A , ductam, infra perpendicularem AE , cadere intra circulum, faciet necessario ea linea cum AC , angulum rectilineum acutum minorem angulo semicirculi; at vero cum AE , angulum rectilineum acutum majorem angulo contingentie, cum ille sit pars anguli semicirculi, hic vero totum quidpiam respectu anguli contingentie. Id quod liquido constat, ducta recta AB , quomodocunq; infra AE . Nam cum hec linea AB , intra circulum cadat, ut demonstratum est, erit angulus rectilineus acutus CAB , minor angulo semicirculi contento sub diametro AC , & circumferentia ABC , cum ille hujus sit pars. Angulus vero contingentie contentus sub tangente linea AE , & circumferentia ABC , minor angulo rectilineo acuto BAE , quod ille hujus pars sit.*


Assumit hic *Euclides* angulum rectilineum CAB partem esse anguli semicirculi, id est anguli facti a recta CA , & circumferentia AB ; item angulum contingentie partem esse anguli rectilinei

rectilinei E A B. Sed ex eo manifeste sequitur, Quatuor angulos, nempe rectilineum C A B, angulum semicirculi, angulum contingentiae, & angulum rectum rectilineum esse ejusdem generis, sicut partes & totum. Et per consequens angulum contingentiae (per Def. 5. El. 5.) multiplicatum posse superare angulum rectum rectilineum. Manifestum enim est partem multiplicare posse donec suum totum superet. Contradicit ergo *Euclides* huic definitioni suae quintae Elementi quinti. Cum ergo angulus contactus, & angulus rectilineus sint diversi generis quantitatis, ita ut altera alteram multiplicata superare non possit (ut ipse *Clavius* demonstrat) angulus contingentiae ablatus nihil auferet ab angulo recto rectilineo, non magis quam linea ablata aliquid aufert a quadrato aut superficies a solido. Itaque angulus semicirculi angulo recto rectilineo est æqualis.

Itaq; manifestum est angulum contingentiae, etsi quantitas sit, non tamen esse quantitatem anguli, sed quantitatem diversi generis, nempe curvedinis; ut supra ostensum est. Erravit ergo hoc loco *Euclides*, deceptus a sui ipsius definitione Puncti. In controversia autem inter *Clavius* & *Pelletarium* de angulo contactus veritas erat a parte *Pelletarii*, qui sustinuit angulum contactus quantitatem non esse illius anguli, & angulos semicircularum rectos esse omnes, & inter se æquales.

Quod autem anguli semicircularum sunt inter se æquales,

ex eo quoque intelligere potes, quod supra demonstravi, Similium arcuum æquales esse curvedines. Itaque descriptis duobus Sectoribus similibus A B C, A D E; ductisque Tangentibus B F, D G, & subtenfis B C, D E, æqualiter declinabunt arcus B C, D E a Tangentibus B F, D G propter æqualitatem curvedinis.




vedinis five flexionis primæ a punctis B & D. *Æquales* ergo utrobique sunt anguli contingentiæ, & (per consequens) etiam anguli semicircularum.

Judicabis item de doctrina hac *Clavii* ex fœtu. Nam monstra inde nata sunt, Primum hoc ipsum, *Angulos semicircularum esse inæquales*. Contrarium enim lumine naturali satis manifestum est. Secundum hoc, *Transitur a minore ad majus; & per omnia media, nec tamen per æquale*. Id quod nemo cogitans non videret esse falsum. Sed ita est ut nemo ferè hodie Philosophetur suo, sed Magistri alicujus ingenio; ideoque in absurda incidunt, non aliter quam totidem oves principem gregis sequentur, etsi in mare se præcipitaret.

Quod autem anguli semicircularum non sint æquales, hoc non potest demonstrari per contrarium, sed per consequens. Si autem anguli semicircularum essent æquales, tunc etiam anguli contingentiæ essent æquales, quod est falsum. Ergo anguli semicircularum non sunt æquales. Quod si quis velit demonstrare, quod anguli contingentiæ non sunt æquales, potest hoc facere per contrarium, sed hoc non est necessarium.

Quod autem anguli semicircularum non sint æquales, hoc non potest demonstrari per contrarium, sed per consequens. Si autem anguli semicircularum essent æquales, tunc etiam anguli contingentiæ essent æquales, quod est falsum. Ergo anguli semicircularum non sunt æquales. Quod si quis velit demonstrare, quod anguli contingentiæ non sunt æquales, potest hoc facere per contrarium, sed hoc non est necessarium.



De Dimensione Circuli.

Principia ista quæ supra a me reprehensa sunt, mirum est etiam quantum ad pulcherrima Geometriæ Problemata inveniendi viam obtulerunt; quorum exempla aliqua hic sibi exhibere operæ pretium esse puto.

Sit quadratum $ABCD$. Centro A , intervallo AB , descriptus sit circuli quadrans ABD . Secentur latera AD , BC bifariam in E & F . Ductâ EF secante arcum BD in G , erit arcus BG totius arcus BD pars tertia.

Per punctum G ducatur recta IGK parallela lateri BC secans AB in I , & CD in K , producatursq; ad H , ita ut IH sit tripla IG ; deniq; per H ducatur recta NO indefinita, et parallela DC .

Ducatur BG chorda arcus BG , & producaturs ad NO in O secans CD in P . Deinde centro B intervallo BO describatur arcus circuli secans BN productam in Q .

Porro lateri BA adjungatur in directum AR æqualis duplæ GF , & ducta RD (quæ æqualis erit duplo lateri AD) producaturs ad latus BC productum in S , eritq; CS æqualis Tangenti 30 graduum; transibit autem RS per H terminum semiradii KH . Ducatur Qa parallela NH secans RS in a . Compleaturq; parallelogrammum $BQab$. Postremò diviso arcu BG bifariam in c ductoq; sinu arcus Bc jungatur Rc . Hactenus constructio.

Erit ergo Sinus arcus Bc sexta pars rectæ ba & ipsi parallelus; ideoq; vel in ipsa ba vel supra, vel infra. Sumatur Ad sexta pars AD , & ducta Rd productaq; ut secet ba , absecabit sextam ejus partem (propter Ad , ba in triangulo Rba parallelas.) Quare absecabit in ba rectam æqualem Sinui arcus Bc . Quod impossibile est nisi ba transeat per c cum sit ut Ad ($\frac{1}{6} AD$) ad AD , ita Sinus arcus Bc ad sextuplum Sinum arcus Bc . Transit ergo ba per c .

Eodem modo si arcus Bc secetur bifariam fient arcus duodecim,

+ Sinus Bc erit $\frac{1}{2}$ chorda BG . at
quia ba ba ba

$$\begin{aligned} & + \text{quia } BG = BE = \\ & = \frac{1}{2} AD \text{ sit. } \\ & \text{et } GF \\ & \text{ergo } AR = \sqrt{12} \\ & RD = \sqrt{12} + \\ & = 4 = 2A \end{aligned}$$

$$\begin{aligned} & + CDS \text{ triang.} \\ & ADR \text{ triang.} \\ & \text{quia } BG = \frac{1}{2} AD \text{ et } \\ & \frac{1}{2} AR \text{ cras } C \\ & = BV \text{ tang.} \\ & 30 \text{ grad.} \\ & BG: 99. PO \text{ sum} \end{aligned}$$

1. Si jungatur recta R G secans A D in f, producta
 ba in e, & B S in i, erit B i tertia pars rectæ B S, & æqualis ar-
 cui B G, & be æqualis chordæ B G, & A f æqualis Radio circuli
 cujus quadrans æqualis est arcui B G; & A d radius arcus cujus
 quadrans circuli æqualis est arcui bc, & in universum omnes
 rectæ ductæ ab R ad arcum B G, secabunt A f & arcum B G in
 ratione radii ad quadrantem a se descriptum. Ex quo sequitur
 facilis divisio arcus sive anguli in ratione data, ut infra patebit
 ad cap. 23.

decem, & Sinus eorundem totidem, qui Sinus semper erunt si-
 mul sumpti minores arcu B D, majores tamen recta ba. Eadem
 methodo bisecando in perpetuum, ostendi potest, rectam om-
 nem ductam infra B S ipsiq; parallelam, terminatam in rectis
 A B, D S minorem esse arcu B D; & (per consequens) rectam
 B S (compositam ex radio & Tangente 30 graduum) non esse
 arcu B D majorem. Minor autem esse non potest, cum locus
 nullus ulteriori bisectioni relictus sit. Etiam Geometræ omnes
 qui magnitudinem circuli determinarunt, arcum B D faciunt
 minorem quam est recta B S. Habes ergo demonstrationem
 quadraturæ circuli verbis haud multo pluribus quam quæ sunt
 in constructione.

Coroll. 1. Si jungatur recta R G secans A D in f, producta
 ba in e, & B S in i, erit B i tertia pars rectæ B S, & æqualis ar-
 cui B G, & be æqualis chordæ B G, & A f æqualis Radio circuli
 cujus quadrans æqualis est arcui B G; & A d radius arcus cujus
 quadrans circuli æqualis est arcui bc, & in universum omnes
 rectæ ductæ ab R ad arcum B G, secabunt A f & arcum B G in
 ratione radii ad quadrantem a se descriptum. Ex quo sequitur
 facilis divisio arcus sive anguli in ratione data, ut infra patebit
 ad cap. 23.

Cor. 2. Juncta A S secante C D in L, erit D L æqualis se-
 midiametro circuli cujus perimetri quartæ parti æqualis est ra-
 dius A B. Sunt enim S B, A B, D L (propter similitudinem
 triangulorum S B A, A D L) continuè proportionales. Est au-
 tem S B ad A B ut quadrans perimetri ad radium. Quare &
 A B ad D L est ut quadrans perimetri ad radium, nempe D L.

Cor. 3. Sumpta in A D parte A M æquali rectæ D L, ductaq;
 R M, & producta ad B S incidet in C. Cum enim A D sit ra-
 dius circuli cujus perimetri pars quarta est æqualis B S, & A M
 radius circuli cujus perimetri pars quarta est æqualis A B &
 rectæ omnes ductæ a puncto R secant B S, A D in ratione quar-
 tæ partis perimetri ad Radium, recta R M producta incidet
 in C.

De Magnitudine Circuli Hugeniana.


Determinationem hanc magnitudinis arcus BD tanta diligentia a Geometris omnis ævi summis quæsitam, quamq; veram esse tam manifestè modo demonstravi, quam manifestè ulla apud *Euclidem* propositio demonstrata est, Professores Mathematici, primò nostrates simul atq; apparuit, magno conatu irati oppugnaverunt, consentientibus etiam & laudantibus cæteris. Sed quibus armis, quibus innisi Principiis? Illis quæ supra ostendi esse absurda; nempe, *Si linea multiplicetur per numerum, Factum esse numerum quadratorum. Si a numero quadratorum extrahatur Radix quadrata, extractum esse numerum linearum. Si ex numero cuborum extrahatur Radix cubica, extractum numerum esse linearum. Punctum esse nihil; & lineam duci posse quæ nullam habeat latitudinem.*

Qui Propositionem hanc primus exhibuit, demonstravit illam juxta methodum Corollarii proximè præcedentis, hoc modo: Diviso arcu BG bifariam in c , duxit Sinum arcus bc , quem Sinum duplicavit producens ad e . Deinde ductum IG Sinum arcus BG bifariam secuit in g ; junctasq; cg , eG productas supposuit ad latus BA productum. Et bisecando rursus arcum Bc ductoq; Sinu ejus, & diviso Ig bifariam, atq; eodem modo bisecando quamdiu quantitas bisecari potest, concludebat partes arcus BG partibus Sinus IG ubiq; esse proportionales. Id quod & verum est, & ab illo verè illatum. Sequitur autem inde (recta Ge producta) ad BS in i rectam Bi æqualem esse arcui BG ; & proinde totam rectam BS æqualem esse arcui toti BD .

Hoc autem a dictis Professoribus impugnatum est partim ex Tabulis Sinuum, Tangentium, & Secantium, partim ab Autoritate Archimedis. Quoniam autem Tabulæ illæ constructæ sunt per multiplicationem Lineæ per numerum, cujus productum falso computant præ numero quadratorum; & per extractionem radicem ex illis quadratis, quas radices falso

computant pro numero linearum, argumentum sumptum ex illis Tabulis vim refutandi nullam habent. Et quoniam Archimedes ipse dimensionem circuli suam demonstrat per radicum extractionem, autoritas ejus in hac re valere non debet. Neq; mirum est, si per hujusmodi calculum, recta eG producta cadere videatur in rectam BA productam, ultra vel citra punctum R .

Eandem hanc determinationem magnitudinis arcus BD impugnavit *Christianus Hugenius* ex eo quod ipse in Libro suo quem ediderat de Magnitudine Circuli, demonstravit ut putat rectam compositam ex Radio & Tangente 30 graduum, qualis est BS , majorem esse arcu quadrantis BD .



Descripto enim Segmento Circuli semicirculo minore ABC , & diviso a perpendiculari FB bifariam in B ; sectisq; rursus arcubus AB , BC bifariam in D & E ; ductisq; eorum chordis CE , EB , BD , & DA ; & Tangentibus CH , BH , BI , IA , & CK , KE , EL , LB , BM , MD , DO , OA ; & deinceps bifecando quantum intelligi potest, demonstrat (& quidem

quidem quantum ego video) rectè segmenta CEC, EBE, BDB, DAD minora esse triangulis CKE, ELB, BMD, DOA. Quod autem idem infert, Si perpetua bisectione fierent infinita numero Segmenta, Illa quoq; simulsumpta minora fore omnibus triangulis, quæ Segmentis respondent simulsumptis, male infertur, nisi recta IBH sit extra circum, ita ut punctum B non sit ambarum Linearum rectæ & curvæ commune sed inter utramque. Nam si B sit utriusq; lineæ commune, omnes illæ Tangentes numero infinitæ constituent ipsum arcum ABC. At si B sit extra circum quamvis ipsi contiguum, chordæ AB, BC secabunt circum non in eodem puncto in quo secatur a recta FB, sed utrobique; citra ipsum. Docet enim *Euclides* (Prop. 2. Elem. 3.) rectam CB totam esse intra circum, & (Prop. 16. El. 3.) Tangentem esse totam extra circum. Itaq; nulla recta præter FB transire potest per arcum & tangentem ad idem punctum B, nempe ad punctum quod vocant *Contactus* nisi utriq; lineæ attribuaturs latitudo aliqua.

Itaq; falsò usus principio hoc, *Punctum esse nihil*, post multas demonstrationes intulit, *Differentiam inter tertiam partem arcus quadrantis & chordam, ad differentiam inter chordam ejusdem tertiæ partis, & Sinum ejus* (sive Semiradium circuli) majorem habere rationem quam 4 ad 3; quod non parum confirmat id quod refutare voluit; quod autem intulit rectam compositam a Radio & Tangente 30 graduum majorem esse arcu quadrantis, deceptus fecit, eo quod putaret radium circuli non minorem esse quam quæ ab eodem centro ad Tangentem ducitur quæ est extra circum. Consule ipsum illius librum cujus mihi exemplar dum hæc scribo deest; nec, si adesset, demonstrationes ejus commodè hic transcriberentur.

C A P. XXII.

De Sectione Anguli.

REvertere ad Diagramma Capitis xx.

In illo Diagrammate, sit datus arcus trifariam secandus
B_a. A puncto

A puncto R ducatur recta R^a secans AD in β , & BC in γ . Secetur $B\gamma$ trifariam in δ & ϵ ; ducanturque rectæ R^d , & R^e secantes arcum B^a in θ & ζ , & A^β in θ & λ :

Dico arcum B^a divisum esse trifariam a duabus rectis R^d , R^e .

Nam propter parallelas $B\gamma$, A^β , divisa est etiam A^β trifariam in θ & λ ab iisdem rectis R^d ; R^e . Est autem A^β ad totam AD ut arcus quadrantis descripti intervallo A^β , ad arcum totum BD descriptum intervallo AD.

Etiam arcus quadrantis descripti a tertia parte arcus A^β erit tertia pars B^a .


Arcus quadrantis descripti ab A^θ sit $\theta\mu$; arcus autem quadrantis descripti ab A^β sit $\beta\nu$.

Non differunt ergo arcus duo $\beta\nu$ & B^a inter se longitudine, sed curvedine tantum, cum sit B^a minus $\beta\nu$ magis curva. Idem dicendum est de arcu $\theta\mu$ & cæteris omnibus arcubus descriptis super $\theta\lambda$, $\lambda\beta$ & cæteris arcubus qui adhuc describerentur super harum æqualibus partibus comparatis, cum partibus similibus circumferentiæ B^a .

Intellige jam puncta α & β admota esse in lineis AB & $\beta\alpha$ ad β et α , & proinde arcum $\beta\nu$ jacere in B^a . Congrueret ergo cum arcu ipso B^a , si modo omnia puncta θ , λ , & omnes partes harum æquales ferrentur simul in suis quæq; lineis ductis ab R donec pervenirent ad arcum B^a . Necesse enim esset si A^β & B^a divisa essent in partes æquales in quot possibile est eas dividi, ut singulæ abscinderent partem arcus B^a æqualem quadranti super se descripto. Quare etiam recta R^θ abscindit ab arcu B^a tertiam partem arcus B^a nempe B^θ ; & R^λ duas tertias ejusdem.

Est ergo arcus B^a datus divisus trifariam a rectis R^d , R^e . Eodem modo potest arcus non major quam arcus BG dividi quinquifariam vel in ratione quacunq; data. Sicut etiam arcus major quam BG si bisecetur donec pars ejus minor sit quam BG; nempe partem inventam duplicando toties quoties datus bisectus fuerat.

Angulum ergo in ratione data divisimus, & propterea etiam proportionem datam dividere docuimus in partes æquales quocunq; requiruntur. Idq; methodo brevi & perspicua.



CAP. XX & XXII

Si jam rectæ MA , MB sunt æquales, manifestum est æqua-
les

(54)

A puncto R ducatur recta R^a secans AD in β , & BC
in γ . Secetur R^a trifariam in δ & ϵ ; ducanturque rectæ R^b ,
 R^c , R^d .

quocumque, requiruntur. Idem, methodo brevi & perspicua.

CAP.

CAP. XXIII.

*De Quantitate rectæ compositæ ex Radio Circuli & Tangente
30. graduum. Item, Dubitatio super Prop. 47^a. Elementi
primi, &c.*

QUadratum rectæ compositæ ex Radio Circuli & Tangente arcus 30 graduum, est ad quadratum a Radio, ut decem ad quatuor.

Sit Radius circuli AB, cujus quadratum sit ABCD. Ducatur arcus BD, qui est quadrans circuli descripti ab AB.

Secetur quadratum ABCD in quatuor quadrata æqualia a rectis EF, GH secantibus se mutuò in I. Secet autem GH arcum BD in K, jungaturq; recta AK, producatq; ad BC in L, erit BL Tangens 30 graduum.

Rectæ BL adjiciatur in directum LM æqualis BC. Erit ergo tota BM composita ex BC Radio Circuli & CM Tangente 30 graduum.

In CM sumatur CN æqualis semiradio BG. Producat AD ad y, ita ut Ay sit æqualis BN; jungaturq; Ny quam secet EF producta in P; jungaturq; BP secans GH in V.

Est ergo (per Prop. 4. El. 1.) quadratum a BP decuplum quadrati ab NP. Est autem quadratum a Radio AB quadruplum, quadrati ab NP; & propterea quadratum a BP est ad quadratum ab AB ut 10 ad 4. Probandum ergo est, rectas BP, BM esse æquales.

Ducatur MQ parallela NP secans BP productam in Q, & EP productam in R. Erit ergo NMRP rectangulum. Ducatur a puncto M ad BP perpendicularis MO quæ producta incidat in EP ad S.

Sunt ergo triangula BNP, BOM Similia. Nam anguli ad N & O sunt recti æquales, & angulus ad B communis. Quare etiam anguli BMO, BPN sunt æquales.

Si jam rectæ MS, MQ sunt æquales, manifestum est æquales

les quoq; esse inter se tum RS , OQ , tum etiam MO , MR , & præterea BO , BN ; & per consequens, quadratum a BM ad quadratum a BC ut 10 ad 4. Quod est propositum.

Sumatur in BM pars ipsius tertia B^a , quod fiet sumendo G^a tertiam partem rectæ GL . Radio autem B^a describatur arcus circuli secans rectam GV alicubi, & quidem (sensu judice) in ipso puncto V .

Rursus duplicato B^a , ut fiat B^b duæ tertiæ rectæ BM ; & radio B^b describatur arcus circuli secans CD in γ ; iterum (sensu judice) punctum γ erit in intersectione rectarum BP , CD . Postremò radio tota BM descriptus arcus circuli transibit per punctum P . Unde judicio sensuum tertia pars rectæ BP æqualis erit tertiæ parti rectæ BM , & proinde tota BP æqualis toti BM .

Sed hæc (inquires) non sensuum sed rationis judicio determinanda sunt. Rectè dicis; itaq; ne videar severitatem disciplinarum corrumpere velle, conabimur rem demonstrare.

In duobus triangulis similibus, si latus unum primi majus vel minus fuerit quam latus homologum secundi, etiam reliqua duo latera ejusdem primi majora vel minora erunt reliquis homologis secundi utrumq; utroq;. Id quod per se satis manifestum est.

In triangulo ergo MSR (cui simile est triangulum MQO) supponamus latus MS , latere sibi homologo MQ minus esse. Erit ergo & MO minus quam MR .

Rursus quia MS minus est quam MQ latus sibi homologum, erit & RS (trianguli MSR) minus quam latus sibi homologum QO . Sed latus RS æquale est tertiæ parti semiradii BG , quia triangulorum similium BGV , MRS latera homologa BG , MR sunt semiradii æquales, & latus GV tertia pars semiradii BG . Minor autem est RS quam OQ .

Est ergo OQ major quam tertia pars semiradii MR .

Sed OQ est tertia pars (ut supra ostensum est rectæ MO). Major ergo est MO quam semiradius, id est quam MR . Sed ex eo quod suppositum est minorem esse MS quam MQ ,
illatum

illatum est, majorem esse MO quam MR . Falsum ergo est MS minorem esse quam MQ .

Eadem methodo demonstrari potest eandem MS majorem non esse quam MQ .

Sunt ergo MS , MQ æquales.

Est autem MQ æqualis tertiæ parti BM . Est autem MS (propter triangula BGV , MRS æqualia & similia) æqualis BV tertiæ parti BP . Itaq; BM , BP sunt æquales; & quadratum a BM ad quadratum a BC ut 10 ad 4. Quod erat demonstrandum. Nec in veritate Theorematis sensus & ratio dissentiunt.

Corollarium hinc oritur manifestum, rectas BN , BO , ut & OP , PR , item PS , PQ esse inter se æquales; & esse BQ , BP , BO id est Be (facta æquali BQ) BM , BN continuè proportionales, & NO , MP esse parallelas; & angulos NOP , OMP , NPM , PMR esse omnes inter se æquales; & deniq; facto angulo NMn æquali angulo OPS , parallelas esse BP , MN æquè altas.

Ex propositione hac modò demonstrata sequitur Theorema novum circa dimensionem circuli, nempe hoc, *Arcum quadrantis descripti semidiametro BM æqualem esse quinq; semiradiis; arcum autem quadrantis cujusdam qui sit æqualis rectæ AB descriptum esse a semidiametro quæ est media proportionalis inter AB sive CD , & ejusdem duas quintas.*

Secetur enim AD (quæ æqualis est Radio) in quinq; partes æquales, quibus adjiciantur in directum aliæ duæ quintæ Da , ab . Divisa autem Ab bifariam in c describatur semicirculus secans CD in d . Est ergo ut $\frac{2}{5}$ Radii AD ad Dd , ita Dd ad Radium AB . Sed ut $\frac{2}{5}$ Radii AB ad mediam Bd , ita sunt duo semiradii, id est AB , ad mediam inter AB & quinq; semiradios. Est autem BM (ut modo demonstratum est) media inter AB & quinq; semiradios. Sunt ergo Db , Dd , DC , BM & quintuplus semiradius continuè proportionales. Ducta ergo Ad & producta incidet in M , propterea quod est ut MB ad BA , ita BA id est AD ad Dd . Quoniam, ergo demonstratum est Cap. xx. & defensum Cap. xxi, contra Hugenum (qui problema hoc profundissi-

mè contemplatus, & ex Principiis Euclidis accuratissimè ratiocinatus est) rectam BM æqualem esse arcui BD , eandemq; modo ostendi æqualem esse Mediæ inter AB & quinq; semisses ejusdem AB , sequitur (propterea quod AB est radius quadrantis æqualis rectæ BM) rectam Dd esse Radium quadrantis æqualis AB ; & duas quintas Radii AB , nempe Db , esse Radium quadrantis Dd ; & deniq; rectam BM esse Radium quadrantis æqualis quintuplæ CN , id est quintuplo semiradio. Unde exsurgit etiam, Rectam Dd æqualem esse duabus quintis arcus BD . Quæ omnia vidit quidem & edidit Josephus Scaliger, sed cum non rectè demonstrasset, damnavit ipse (nil dubitans de Principiis Euclidis) sed postquam fuisset convitiis Clavii acerbissimis oneratus.

Consideremus nunc eadem hæc in Numeris. Ad BM adjiciatur Me æqualis PQ ; eritq; Ne æqualis OQ , id est GV , id est tertiæ parti semiradii BG ; semissis autem rectæ Ne (qui sit Nr) erit sexta pars ejusdem BG .

Erit ergo quadratum a BG æquale 36 quadratis ab Nr . Est autem recta BN octodecupla ipsius Nr , & proinde quadratum ejus æquale 324 quadratis ab eadem Nr . Est autem Be vigecupla ejusdem Nr , & proinde quadratum ejus æquale 4000. quadratis ab eadem Nr .

Est autem Br æqualis novemdecem rectis Nr ; & quadratum ejus æquale 361 quadratis ab eadem Nr . Majus ergo est quadratum rectæ Br quam quadratum rectæ BP sive BM . Quadratum enim a BP æquale est tantummodo 360 quadratis ad Nr .

Inter quadrata a Be , & BM , id est inter 400 & 324 sumatur numerus medius proportionalis (cadit enim inter quoslibet duos numeros quadratos unus medius proportionalis) eritq; ille numerus medius 360, nempe tot quadrata a sexta parte BG , quot sunt æqualia decem quadratis a semiradio toto BG . Itaq; si Gnomon circumponi intelligatur quadrato a BM , cujus Gnomonis latitudo sit Nr , Gnomon ille æqualis erit quadrato ab Nr sexta parte semiradii. Hactenus nulla causa est dubitandi de Prop. 47. El. 1.

Rursus quadratum a CN æquale est 36 quadratis ab Nr . Est autem Ce octupla ipsius Nr , & quadratum ejus æquale
64 quadratis

64 quadratis ab eadem Nr. Et quia Cr septupla est ipsius Nr. quadratum ejus æquale erit 49 quadratis ab eadem Nr.

Jam cum CM Tangens sit 30 graduum, erit quadratum ejus (secundum Prop. 47. El. 1.) æquale 48 quadratis ab Nr. Est enim AL secans 30 graduum dupla Tangentis BL, five CM, & AB radius duplus semiradii BG. Cum ergo quadratum ab AL sit ad quadratum a BL ut 4 ad 1, erit ad quadratum ab AB ut 4 ad 3. Quare etiam quadratum Tangentis BL erit ad quadratum semiradii BG ut 4 ad 3 five 48 ad 36. Sed quia quadratum a BG five CN est 36, erit quadratum a BL, five CM (secundum Euclidem) æquale 48 quadratis ab Nr. Est autem quadratum a Cr 49, quare si Gnomon cujus latitudo sit Mr circumponeretur quadrato a CM, esset ille Gnomon æqualis quadrato ipsius Nr. Sed ostensum est quod Gnomon cujus latitudo sit Mr circumpositus quadrato a BM æqualis est quadrato ab eadem Nr. Non est ergo quadratum a Tangente 30 graduum ad quadratum a Semiradio ut 4 ad 3. Quod est contra Prop. 4. El. 1. Non videtur ergo propositio illa universaliter vera, sed dubitans nil pronuntio.

Error est, inquires, aliquis vel in illa, vel in hac demonstratione. Certissimè. Incumbe igitur toto animo utriusq; examinationi; nec ratiocinationes tantum sed etiam Principia excute. Inprimis autem cave ne tenuissima triangula vel sectores quantuloscunq; computes pro lineis rectis, aut parallelogramma obliquangula exigua pro rectangulis. Id quod evitare non potest is qui rectangulum non quadratum sectum putet a linea per angulos oppositos bifariam, ut est in Propositione 34 El. 1. quanquam enim in quadrato diagonalis considerari potest ut mera longitudo, atq; etiam ut minutissimum rectangulum, quia dividit oppositos angulos bifariam; in oblongo tamen ubi diagonalis non dividit oppositos angulos bifariam considerari non potest neq; ut rectangulum neq; ut mera longitudo sed ut vel triangulum obliquangulum, vel parallelogrammum obliquangulum. Sed ut hanc difficultatem facilius examinare possis, ostendam tibi nunc quanto juxta Euclidem quadratum a Tangente 30 graduum majus est quam quadratum a semiradio.

Dico autem quadratum a Tangente 30. graduum nimirum quadratum a CM æquale esse quadrato a CN una cum tertia ipsius parte & duobus quadratis ab NM sive PR . Tangentis & Semiradii differentia, si vera sit Prop. 47. El. primi.

Super CM constituatur quadratum $CMYX$. Item super BM constituatur quadratum $BMZf$. Etiam super CN constituatur quadratum $BNgk$. Erit ergo tum PY , tum gZ quadratum differentia inter CM Tangentem 30. grad. & semiradium CN .

Constat autem quadratum Nb æquale est novem quadratis a Semiradio CN . Quod autem quadratum Bf æquale est decem quadratis a CN supra demonstratum est.

Est ergo Gnomon qui quadrato Nb appositus est æqualis quadrato NF . Differentia autem inter quadratum MX & NF est Gnomon constans ex duplo rectangulo MP & quadrato PY , cui æquale est quadratum gZ .

Gnomon autem qui adjectus est quadrato Nb æqualis est sextuplo rectangulo MP una cum quadrato gZ . Est autem Gnomon ille æqualis quadrato Semiradii. Minus ergo est quadratum Semiradii quam quadratum Tangentis 30 grad. tertia sui & præterea tanto quantum est duplum quadratum a PY vel gZ .

Excessus ergo quadrati Tangentis 30 graduum supra quadratum Semiradii majus est quam tertia pars quadrati Semiradii, tanto quantum est duplum quadratum PY . Quod est contra Prop. 47. El. I.

Error autem hic in quadratis ipsis, ut vides; satis est sensibilis, etsi in lateribus non tam facile apparet. Apparebit autem si ad $\frac{1}{2}$ rectæ BG addideris in directum Radium totum, sive $\frac{1}{2}$, atq; inter illas mediam inveneris proportionalem. Nam erit illa quidem non valde diversa a Tangente, sed tamen si cum diligentia operabere media illa minor erit quam Tangens 30 grad. nimirum quam BL ; est tamen illa media, latus verum, quadrati æqualis 48 quadratis a sexta parte BG , nimirum ab Nr .

Verum error ille an magnus an parvus sit, nihil hic refert. Nam etsi nullus esset, cum tamen propositio illa (propter Principia

Principia quibus innitur, quæ sunt ut supra ostendi dubiæ fidei etiam ipsa dubia est. Itaque temerè dictum est a Clavio ad Prop. 16. El. 3. contra Pelletarium, *Geometricas* (id est Geometrarum) *demonstrationes ejusmodi esse ut consensum extorqueant, ac dubitationem omnem excludant, nulloq; modo quempiam sinant ancipiti opinione distrahi, sic, ut tum assentiantur si velit, tum si nolit dissentiat.*

Si circulus vel triangulum sectum fuerit in quatuor partes, quæ partes dispersæ essent, una ad Indos Orientales, altera ad Indos Occidentales, tertia ad Polum Arcticum, quarta ad Antarcticum, putasne esse demonstrationem Geometricam aliquam quæ me cogere posset ut credam, puncta eorum verticalia non esse quatuor puncta, sed unum idemq; punctum. Item si quid moveatur motu æquabili per Minus & Majus spatium, extorquebitne demonstratio ulla ut credam quod non transeat per æquale, aut ut credam vera esse quæ supra ostendi esse absurda.

Si mea hæc rectè demonstrata sunt, animadvertenda tibi præterea sunt, primo, maximam partem propositionum quæ dependent a 47^a. El. 1. (sunt autem multæ) nondum esse demonstratam.

Secundo. Tabulas Sinuum, Tangentium, & Secantium egregiè falsas esse; propterea quod calculus eorum dependet a veritate horum duorum Assumptorum, 1. *Radix numeri quadratorum non est numerus quadratorum sed linearum.* 2. *Numerum Linearum per numerum (simpliciter) multiplicatum facere numerum quadratorum.* Cum enim quadratum a recta composita ex Radio & Tangente 30 grad. æquale sit decem quadratis a semiradio; si ponatur Semiradius 5000, erunt tres Semiradii 15000 pro B N. Quadratum autem a Semiradio est 25000000, & quadratum a B N 225000000 quæ duo quadrata simul sumpta sunt 250000000, cui æquale est quadratum a B M composita ex Radio & Tangente 30 grad. Radix autem numeri 250000000 est 15811--- quarum partium Radius est 10000. Relinquitur ergo pro Tangente 30 grad. 5811--- proximè. Est autem in Tabulis Tangentium pro ejus quantitate positus numerus 5773---, qui est error momenti satis magni in calculi,

culis Astronomicis, & in calculo triangulorum quo utuntur Agrimensores. Iisdem principiis quæ ostendi supra esse falsa attribuere potes, quod quantitas circuli a magnis ingeniis omni ævo, quæsitum, inveniri tamen non potuerit. Quis enim præjudicium Archimedis non vereretur? Et si liber ejus de Dimensione circuli non mihi videatur ab ipso editus; continet enim tres tantum propositiones, nec eas ordine quo oportuit dispositos, nec sicut alii ejus libri ad quenquam qui eos consideraret missus, sed ut cui nondum manum ultimam imposuerat apud se retentus, ab aliis Geometriæ minùs peritis post mortem ejus editus.

Doctrina autem & ipsa nomina Sinuum, Tangentium & Secantium calamitas Geometriæ nupera est. Qui subtenfas & semisubtenfas quæ nunc vocantur dimidiatorum arcuum Sinus, calculo primus subjecit fuit Ptolomæus. Sinum nusquam Scriptum invenio ante Regiomontanum, qui verò Tabulas Sinuum, Tangentium, & Secantium quibus utimur primus condidit fuit Clavius.

Secundo, notatu dignum est, causam quod Quadratura circuli, divisio Rationis, aliaq; pulcherrima, sed difficillima Geometriæ problemata tam diu latuerunt, in illis ipsis esse demonstrationibus quas cogentes esse prædicant. Primi omnium Arabes invenerunt quadratum quadrantis perimetri decuplum esse quadrati a Semiradio; quod etsi verissimum sit, confutavit per extractionem Radicum Johannes Regiomontanus (qui idem esse putavit quadrati latus & numeri quadrati Radicem) Audi ipsum Regiomontanum, *Arabes olim circumulum quadrare polliciti ubi circumferentia sua aequalem rectam descripsissent, hanc pronuntiavere sententiam, Si circuli diameter fuerit ut unum, circumferentia ejus erit ut Radix de Decem. Quæ sententia cum sit erronea, quemadmodum alibi explanavimus, cumq; numeros introducat rectilincationem effecturos, numeri ipsi in hoc negotio sunt suspecti.* Olim ergo, ut vides, magnitudo circuli cognita fuisset, nisi obstitissent quæ a Geometris nunc Cogentia appellantur. Iterum doctrina hæc Arabum apparuit a Scaligero, atq; iterum disparuit expulsa exorcismo convivorum a Clavio. Sed tertium nunc apparens, docta jam exorcismos & convitia

convitia contemnere , nunquam puto abigetur.


Notabis præterea convitiorum causas. Quod Scaligerum Clavius, Orontium & Longomontanum alii, convitiati sunt, quæ causa esse potuit? Quo læsi fecerunt? Paralogismus meus damnum tuum non est. Unde igitur iræ tantæ? An a zelo boni communis, nimirum ne corrumpetur paulatim Mathematica? Utinam quidem illis omnibus cura Boni communis tanta esset, ut nihil omnino in libris falsi paterentur esse sine confutatione. Sed ita est homo, nisi præcepta vera Philosophiæ moralis antè didicerit, ut famam aut lucrum primariò, Veritatem secundariò appetat. Inde est quod irascantur illis quorum industria nimia veritatis lux infertur, qua patefcant omnibus quantuli viri sunt qui volunt haberi maximi. Ego aliqua quidem in *Euclide* reprehendi, non tamen ut illum non putem magni faciendum esse, qui Scientiarum Mathematicarum tradendarum methodum primus tradidit. Nihil ab Archimede editum non laudo. Consilium mihi aliud non est quam Arithmeticæ & Algebræ in demonstrandis Propositionibus purè Geometricis abusum tollere, si potuero. Vale.

FINIS.

(50)

[illegible]

02014



cu
 $a b$, Et continue proportionales.
 Centro N radio NB describatur arcus circuli BG secans
 K D a





Appendix.

Cum in fine Capitis 22 Ex data Anguli omnimoda, sectione, Divisionem etiam Rationis omnimodam inveniri præsumpserim, id nunc qui fiat ostensurus sum.

De Mediis Proportionalibus in genere.

Inter duas rectas datas invenire Medias Proportionales quotcunq;.

Sint primo inveniendæ duæ Mediæ inter datas (in fig. 1.) quascunq; AB majorem, & AV minorem.

Fiat ab AB quadratum $ABCD$; & in lateribus AB , AD , sumantur AE , AF , utraq; æqualis AV .

Inter AB & AE inveniatur media Aa ; cui æqualis in latere AD sumatur Ab , ducaturq; ab , quam ducta diagonalis AC necessariò secabit bifariam, & ad angulos rectos in d .

Ducatur etiam diagonalis BD secans AC in N . Itaq; AC , BD secabunt se mutuò bifariam, & ad angulos rectos in N .

Jungantur Da , bE , ducaturq; EF secans AC in o ; eruntq; AN , Ad , AO continuè proportionales, in eadem ratione cum rectis AB , Aa , AE , live AD , Ab , AF , & rectæ BD , ab , EF continuè proportionales.

Centro N radio NB describatur arcus circuli BG secans

K

Da

Da productam in G ; item centro d , radio da , describatur arcus circuli ag secans bE productam in g , ducaturq; dg .

Quoniam ergo est ut AD ad Aa , ita Aa id est Ab , ad AE , erunt Da , bE parallelæ, & anguli $B Da$, Dab , abE æquales; & per consequens anguli BNG , adg , (dupli angulorum $B Da$, abg) inter se æquales.

Secetur arcus BG in tres partes æquales, quarum BH sint duæ; jungaturq; DH secans latus AB in I . Ducta ergo NH , erit angulus BNH duplus anguli BDH , id est duplus anguli BDI .

Rectæ AI sumatur (in latere AD) æqualis AK , ducaturq; BK .

Quoniam igitur æquales inter se sunt tam AB , AD quam AI , AK , erunt quoq; inter se æquales DI , BK & secabunt se mutuò in diagonali AC ad P ; eruntq; tum DP , PB , tum KP , PI æquales; & ducta IK erit parallela rectis BD , ab , EF . Quatuor denique anguli BDI , DBK , DIK , BKI erunt æquales, & eorum quilibet æqualis duabus tertiis anguli $B Da$.

Similiter secetur arcus ag in tres partes æquales, quarum gb , sint duæ, & ba una, jungaturq; db secans AB in M , & ducatur bM . Angulus ergo adb in centro, qui (idem est cum angulo adM) duplus est anguli abM in circumferentia.

Rectæ AM sumatur (in latere AD) æqualis AL . Jungatur dL ; quæ erit ipsi dM æqualis. Ducatur aL . Cum autem (propter tum Aa , Ab , tum AM , AL æquales) æquales quoq; sint aL , bM , illæ secabunt se mutuò in diagonali AC ad e ; eruntq; anguli baL , abM æquales.

Ducatur ML ; quæ (propter AL , AM æquales) erit rectæ ab parallela. Quia autem bM , aL secant se mutuò in e , erunt quatuor anguli abM , baL , bML , aLM æquales, & quilibet eorum semissis anguli adM , & duo anguli aLM , bML , id est totus angulus dML , sive ipsi æqualis dLM æqualis tertiæ parti anguli adg , id est æqualis duabus tertiis anguli abE , sive anguli $B Da$, id est æqualis angulo BKI

B K I vel D I K, Et quia rectæ $a b$, M L sunt parallelæ, erit etiam angulus $a d M$ æqualis eidem angulo D I K five B K I.

Producatur L d utcunq; ad f . Erit ergo angulus $f d M$ externus æqualis ambobus simul angulis internis $d L M$, $d M L$, Angulus ergo $f d M$ duplus est anguli $a d M$, dividiturq; angulus $f d M$ a recta $d a$ bifariam. Ducatur P m dividens angulum B P I bifariam, & secans A B in m . Cum igitur angulus B P I duplus sit anguli P K I, erit angulus $m P I$ æqualis angulo $f d a$, & angulus $m P d$ rectus; & rectæ P m , $d a$ parallelæ, & proinde anguli I P d , $f d P$ æquales. Quoniam igitur I K secat P d ad angulos rectos, producta L f incidet in I. Similiter ostendi potest rectam M d productam transire per K.

Est ergo quadrilaterum I P K d I Rhombus.

Jungantur M F & L E, quæ quia sunt æquales secabunt se mutuò in diagonali ad n . Et parallelæ sunt tum D a , $b E$, tum D B, M L; tum etiam I K, E F; erit ergo angulus $b E L$ æqualis angulo I D a ; & anguli L E F, L M F æquales duobus angulis B D I, D B K, id est duobus angulis I L M, K M L uterq; utriq;

Est ergo quadrilaterum M d L n M Rhombus.

Sunt ergo P B, $d I$, $n M$, $n E$ continuè proportionales.

Sed ut P B ad P I, id est ad P K, ita est A B ad A K, id est ad A I propterea quod recta A P dividit angulum B A K bifariam. Item ut $d I$ ad $n M$ id est ad $d L$, ita est A I ad A L five ad A M; quia A d dividit angulum I A L bifariam. Item ut $n M$ ad $n E$, id est ad F n , ita est A M ad A F five A E; quia A n dividit angulum M A F bifariam.

Sunt ergo rectæ A B, A I, A M, A E continuè proportionales, & A I, A M; five A K, A L Mediæ quæsitæ.

Rursus inter datas quascunq; A B, A V inveniendæ sint quatuor Mediæ. Fiat ab A B (fig. 2.) quadratum A B C D, sumanturq; in lateribus A B, A D partes A E, A F utraq; æqualis minori A V; sumatur autem inter A B, A E media A a , cui (in latere A D) sumatur æqualis A b , junganturq; D a , & $b E$, ducanturq; D B, $a b$, $b E$, E F. Ducatur etiam diagonalis A C secans

DB, ab , EF, in N, d, o . Deinde centro N, radio NB describatur arcus circuli secans Da productam in G. Secetur autem arcus BG in quinque partes æquales, quarum BH sint duæ, BQ quatuor.

Item centro d , radio da , describatur arcus circuli ag secans bE productam in g seceturque arcus ga in quinque partes æquales quarum gb sint duæ, & gq quatuor.

Ducatur DH secans AB in R. Et in latere AD, sumatur AS æqualis AR. Ducanturque BS, RS; eruntque DR, BS æquales; & propterea secabunt se mutuò in diagonali AC ad T, & erunt DB, RS parallelæ; & quatuor anguli NBT, NDT, TRS, TSR æquales, & quilibet eorum æqualis duabus quintis anguli BDG.

A puncto S ducatur SX parallela DR, & a puncto R ducatur RY parallela BS. Erunt ergo SX, RY æquales, & secabunt se mutuò in diagonali ad Z. Itaque quadrilaterum STRZS erit Rhombus, junctaque XY erit parallela rectis DB, RS, & ab ; & utervis angulorum ZXY, ZYX æqualis erit angulo BDR, id est duabus quintis anguli BDG.

Ducatur dq secans AB in M, ducatur etiam bM , eritque angulus abM semissis anguli adM . In latere AD sumatur AL æqualis AM, junganturque ML & aL . Itaque bM , aL , secabunt se mutuò (cum sint æquales) in diagonali AC ad e . Quare ambo simul anguli dML , eML , sunt æquales angulo ZXY.

Et quia ad , ML sunt parallelæ, erit angulus adM æqualis angulo dML , id est angulo ZXY. Jungatur Ld (quæ æqualis est dM) & producat utcunque ad f . Erit ergo angulus $f d M$ duplus anguli adM , id est æqualis angulo BTR five DTS, five YZS, five RZX. Est ergo recta Lf rectis BS, ZR parallela, & recta dM rectis DR, SX parallela. Sunt autem anguli adf , ZXY æquales, & tum ab tum XY secat AC ad angulos rectos. Sunt ergo anguli $f d Z$, $X Z d$ æquales. Quare recta Lf (quæ transit per d) incidet producta in X; & propter eandem rationem producta Md incidet in Y. Est ergo quadrilaterum YZX d Y Rhombus.

A puncto M ducatur recta MI parallela LX secans AD in I; item a puncto L ducatur recta LK parallela YM secans AD in K; quæ duæ MI, LK, cum sint æquales, secabunt se mutuò in diagonali AC ad m ; quia autem LM secat eandem diagonalem ad angulos rectos, & sunt tum d L, m M, tum d M, m L parallelæ, erit quadrilaterum LdMmL Rhombus.

Postremò jungantur IE, KF quæ (cum sint æquales) secabunt se mutuò in diagonali ad n . Quoniam ergo tum IK, DB, tum EF, SR, tum b E, d A sunt parallelæ, & tam IE, KF, quam BS, DR secant se mutuò in diagonali AC, erunt anguli n IK, n KI, n EF, n FE æquales tum inter se, tum angulis TBN, TDN, TRS, TSR & recta FK parallela rectis BS, RY, XL, MI, sicut & IE parallela rectis DR, SX, YM, LK.

Est ergo quadrilaterum ImKnI Rhombus. Quare BT, RZ, Xd, Mm, Kn sunt continuè proportionales; & propter angulum BAS, RAY, XAL, MAI divisum ab AN bifariam, erunt (per Eucl. 6. 2.) rectæ AB, AR, AX, AM, AK, AE, sicut & AD, AS, AY, AL, AI, AF continuè proportionales. Itaq; inter duas AB, AV datas inventæ sunt quatuor Mediæ AR, AX, AM, AK, sive AS, AY, AL, AI.

Ad Mediarum numerum omnem demonstrationes applicare singulas impossibile est. Manifestum autem est, quod, si arcus BG secetur septifariam, inveniri sex Rhombos latera habentes totidem continuè proportionalia, & consequenter sex Medias; quemadmodum ex trisectione inventæ sunt duæ Mediæ, & ex quinquisectione quatuor Mediæ; atq; ita in infinitum pro Mediis numero paribus. Datis autem paribus, omnis Mediarum numerus impar facile innotescit per sumptionem inter singulas proportionales singularum Mediarum. Invenimus ergo Methodum generalem inveniendi inter duas rectas datas Medias quotcunq; per sectionem anguli; quomodo autem angulus in ratione data quacunq; secandus sit docuimus suprâ Cap. 22.

Hæc quanquam certa & demonstrata, corruerent tamen si
verum

verum esset, quod Algebristæ nostri dicunt, Radicem numeri quadrati, & figuræ quadratæ latus idem esse.

Examinabimus jam Logicæ quam illi jactitant severitatem.

Vitiosam esse aiunt demonstrationem in quam non ingreditur omne id quod ad constructionem assumitur. Ego contra, demonstrationem in qua neque propositionem, neq; consequentiam ullam falsam reperio, peccatorum omnium contra Logicam absolvendam censeo. Neque illorum regulam illam utcunque speciosam legisse me memini in Aristotele, neque in alio scriptore logico.

Exhibenda mihi igitur est demonstratio legitima, ubi assumptum aliquod ad constructionem non tamen adhibetur ad demonstrationem. Demonstrabo autem absque trisectione anguli inter rectam datam & ipsius semissem quamnam sint Mediæ duæ proportionales.

Sint datæ (fig. 3.) duæ rectæ AD , DV facientes unam rectam AV . Sit autem DV semissis ipsius AD , fiatque a majore AD quadratum $ABCD$. Inter AD & DV inveniatur Media proportionalis DE , cui in lateribus BC , AD ponatur æqualis AO , & BR ; jungaturque RO , & producat.

Secetur DO bifariam in K ; centro autem K intervallo KV describatur circulus $VIMX$ secans CD in X , AD in M , & RO productam in I . Quoniam ergo RO , CD sunt parallelæ, anguli deinceps ad O & D sunt recti, & DK , KO æquales, & proinde etiam OM , DV æquales. Æquales item sunt IK , KX ; & IX diameter circuli $VIMX$, eademque æqualis rectæ MV . Itaque ductis rectis VX , XM , MI , IV erit $VIMX$ rectangulum; & tres rectæ DM , DX , DV continuè proportionales. Divisis autem MX , IV bifariam in Z & L , ducta ZL transibit per K , & secabit tum MX tum IV ad angulos rectos.

In recta IK sumatur IP æqualis DV , erit ergo reliqua PX æqualis DM , & PK æqualis DK ; item LK secabit angulum DKP bifariam.

Producatur CD in G (secans KL in S) ita ut DG , CD sint æquales.

A puncto P ducatur recta PY perpendicularis rectæ IP, æqualis autem DG junganturq; YI, GV.

Quoniam ergo IP est æqualis DV, & PY æqualis DG, & anguli ad P & D recti, erunt YI, GV æquales, & divisa YI bifariam in H, circulus descriptus radio HI transibit per P & Y.

Producta autem YP transibit per M, eritque PM æqualis DX. Cum enim IP, DV sint æquales, & IM, VX æquales & parallelæ, & in triangulis IPM, XDV anguli ad P & D recti, erunt quoq; PM, DX æquales. Similiter quia OM, est æqualis DV, & MI, XV æquales & parallelæ, erit OI æqualis eidem DX, & tota YM æqualis toti GX.

Secent autem se mutuo PM & OI in Q. Æquales ergo inter se sunt QI & QM, æquales item anguli QMI, QIM; item anguli OMP, OIP cum æquales sint tum KP, KO, tum KI, KM, tum etiam OQ, PQ, & angulus PMI æqualis angulo DXV, & angulus PIM æqualis XVD, propter similitudinem triangulorum PMI, DXV, & angulus PQI externus duplus anguli interni PMI vel PIM.

Quoniam autem OQ, DS sunt parallelæ, transibit MY per S. Est enim angulus KSD æqualis angulo DXV propter KS, XV parallelas; est autem angulus MQI ejusdem anguli DXV sive KSD duplus. Ubicunque ergo MY secat DG faciet cum illa angulum anguli KSD duplum. Cum enim anguli ad P & D sint recti, & anguli ad K æquales, atque etiam rectæ DK, KP æquales; producta MP donec concurrat cum KL, faciet cum illa angulum æqualem angulo KSD; id quod fieri potest in unico puncto rectæ KL, nempe S. Quare recta KL dividit angulum PSD, simulque verticalem ipsius YSG bifariam.

Quia vero æquales inter se sunt tum GD, YP, tum DS, PS, æquales quoque erunt rectæ GS & YS. Ducta ergo GY secabitur a KL productâ bifariam & ad angulos rectos in T.

Cum autem in triangulis TYS, DXV, anguli ad T & D sint recti, & anguli ad S & X æquales, erit angulus TYS æqualis angulo XVD.

Jungantur

Jungantur HS , HP , HD . Quoniam ergo in triangulis HPS , HDS , latera PS , DS sunt æqualia, & latus HS commune, erunt quoque latera HP , HD æqualia; & anguli HPS , PHS æquales angulis HDS , DHS uterque utrique. Circulus ergo descriptus radio HP (qui transit per I & Y) transibit etiam per D .

Etiam quia rectæ DK , KP , ut & anguli ad K æquales sunt transibit HS per K ; & proinde secabit IV . bifariam & ad angulos rectos in L . Itaque triacula rectangula ILH , VLH sunt æqualia & similia. Quare rectæ IH , HV sunt æquales.

Dividitur ergo recta GH bifariam in H , & circulus descriptus radio HP transit per puncta G , I , P , D , V , Y . Est ergo angulus GYV in semicirculo.

Est igitur tum $IGYV$, tum $GMXY$, tum etiam (ut antè ostensum est) $IMXV$ rectangulum.

Itaque triacula rectangula GDM , MDX , XDV similia sunt; & propterea quatuor rectæ DG , DM , DX , DV continuè proportionales, quarum DM , DX sunt Mediæ quæsitæ. Item OR , OV , OI , OM continuè proportionales, quarum OV , OI sunt Mediæ quæsitæ. Item PY , PX , PM , PI continuè proportionales, quarum PX , PM sunt Mediæ quæsitæ.

Cor. Quoniam YX , GM sunt parallelæ & æquales, item GM , VR parallelæ & æquales erunt rectæ VY & XR æquales.

Idem demonstrari potest ex eo ipso, quod recta DE est media proportionalis inter AD & ipsius semissem DV , hoc modo.

Quoniam DC , DE , DF (five DV) sunt continuè proportionales, erit ut DC ad DE , ita differentia CE ad differentiam EF . Quare ratio DC ad DF duplicata est rationis CE ad EF . Et quia DE est diagonalis quadrati a DF id est quadrati $DFrg$, erit CE diagonalis quadrati ab EF , id est quadrati $C\gamma\mu b$; cum sint tum EF , Cb , tum bF , CE æquales.

Quoniam autem est ut DC ad DF ita AC ad Ar , erit quoque

quoque ratio AC ad Ar duplicata rationis CE ad Ch.

Cum autem $C\mu b$ sit quadratum transibi: AC per μ . Ducta ergo $\mu\pi$ parallela CD, erit ut $C\mu$ ad Ch, ita DC ad $\mu\pi$ id est ad Dh. Est ergo ratio AC ad Ar, id est ratio DC ad DF duplicata rationis DC ad Dh. Quare (cum Dh, DM sint æquales, & DX media proportionalis inter Dh & DF) erit ut DC ad Dh, ita Dh ad DX, & ita DX ad DF. Sunt ergo rursus rectæ Dh, DX Mediæ quæsitæ.

Si quis in hac demonstratione propositionem falsam aut non necessariam illationem ostenderit, modo convitiis se abstineat (etsi mihi meus error placere non potest) veritati tamen studens non inique feram. Sed ut eo solum nomine accuser, quod postquam ad constructionem assumpsissem mediam proportionalem inter extremas, medietate illa non sum usus, iniquum est. Dicant velim, illa regula a quo Magistro Logicæ profecta est, ut cum Magistro ipso controversia mihi sit. Sin nullius Magistri, sed suæ ipsorum prudentiæ dictamen sit ostendant esse infallibile. Quod dicant sine exemplo esse, nihil moror; quæram enim vicissim quis fuit ille qui alia methodo duplicationem Cubi demonstravit. Euclides multas habet in initio Elementorum definitiones, quibus tamen nusquam utitur. An Definitiones ad demonstrationes minus necessariae sunt quam Assumpta. Analytici omnes assunt ut aliquid ignotum (etsi ab ignoto per se, notum fieri nihil potest) sed ope aliorum præcognitorum Problemata multa aut solvunt aut solvi non posse demonstrant. An Verum Positum minus valebit, quam pro vero suppositum dubium? Errant qui sic sentiunt; Verum enim, tam sui quam falsi index est, ut a quo nihil nisi verum derivatur.

Sed ne quid omittamus quod Problemati nobili perspicuitatem allaturum videatur, eandem nunc conclusionem ab eo ipso demonstrabimus, quod recta AO æqualis sumpta sit rectæ DE, id est mediæ proportionali inter extremas AD & DV.

Sumatur (in latere DC) recta DF æqualis DV, & describatur quadratum DFrg. Erit autem punctum r in diagonali DB. Describatur quadratum DXpq, & erit punctum p in eadem diagonali DB.

L

Describatur

Describatur quadratum $DEkl$; cujus etiam punctum k erit in eadem diagonali DB . Secet autem lk producta latus BC in n , & rectam Xp productam in n , & rectam Fr productam in s .

Describatur deniq; quadratum $DMih$, cujus punctum i erit in eadem diagonali DB ; cujus quidem latus hi productum secet ln in o , & AB in t , latus autem Mi productum secet BC in m .

Ostensum autem est tres rectas DM, DX, DV id est Mi, qp, gr esse continuè proportionales, item OM, DV , id est OM, gA esse æquales, & proinde (dempta communi gM) æquales esse AM , & Og , id est ti , vel im , vel FE , & propterea rectam gM æqualem esse EC , vel kn , vel os .

Quoniam jam lk media est proportionalis inter ln , & ls , erunt tres rectæ ls, lk, ln continuè proportionales. Erunt item gr, qp, Mi , id est ls, lu, lo continuè proportionales. Est autem utriusque Analogismi eadem Antecedens ls . Quare (per Prop. 28. Elementi decimi quarti) ratio ln ad lo duplicata erit rationis lk ad lu . Sed ut lk ad lu , ita est Mi ad lk .

Ratio ergo ln ad lo duplicata est rationis lo sive Mi ad lk .

Sed ratio quadrati $DhiM$ ad quadratum $DEki$ duplicata est rationis M (id est lo) ad lk .

Si ergo quadratum $DhiM$ intelligatur ductum perpendiculariter in suum latus Mi , item quadratum $DEkl$ perpendiculariter in rectam ln æqualem lateri AD , fient duo parallelipeda quorum latera & altitudines reciprocantur. Quare (per Prop. 34. Elementi undecimi) erit cubus a DM (Cubus autem est parallelipipedum) æqualis parallelipedo, cujus basis est æqualis quadrato $DEkl$, altitudo æqualis ln sive AD .

Sed quadratum $DEkl$ æquale est rectangulo sub AD, DV id est rectangulo MR , parallelipipedum autem sub rectangulo MR ductum in QR æqualem AD , est dimidium Cubi totius a latere AD , id est æquale quatuor Cubis a latere DV . Itaq; recta DM est Mediarum duarum inter AD, DV major, & cætera, Quod erat demonstrandum.

Ostendam jam rectam DO semissem esse Tangentis 30 graduum. Secet RO rectam Eh in y ; eritq; Oy sinus 45 graduum. Itaq; utraq; rectarum Ay, Dy æqualis erit AB , videlicet lateri totius quadrati $ABCD$. Circulus ergo descriptus Radio DO transibit

transibit per k , & circulus descriptus radio AB transibit per y .

A puncto y erigatur recta y^z perpendicularis ipsi Ay , secans BC in a , producatuq; ay ad latus CD in z . Erit ergo triangulum $C^z z$ æquicrurum, & anguli ejus ad a & z semirecti. Producatuq; gr ut secet arcum Ck in c , eritque angulus CD c tertia pars recti. Quare producta D c faciet cum latere CB angulum æqualem duabus tertiis recti.

Quoniam autem angulus R y^a est semirectus, & angulus CD c tertia pars recti, faciet D c producta cum ya angulum anguli recti partem sextam. Sed angulus R oy qui etiam est semirectus una cum sexta parte recti faciet duas tertias recti. Quare juncta a^c & producta incidet in D, Est ergo C a Tangens anguli 30 graduum, & huic æqualis Cz. Sed (propter angulum C y^a rectum divisum bifariam ab R y) recta C z dupla est rectæ CR, id est rectæ DO.

Coroll. 1. Sequitur hinc rectam C y five y^z five etiam B z duplam esse rectæ Og five FE. Quoniam enim DO, Og simul sumptæ æquales sunt semissi lateris AD, erit dupla DO, id est C a , una cum dupla Og æqualis radio toti BC. Cum ergo C a sit dupla DO, erit residua B z æqualis duplæ Og five AM five Bm.

Cor. 2. Jungatur gy producatuq; ad RC in v . Quoniam ergo Ay dupla est Ag, erit quoq; (propter similitudinem triangulorum Ayg, Cyv) recta yC dupla Cv. Itaque Cv, Bm sunt æquales, & R v , quæ est differentia inter CR & Cv, æqualis differentiæ inter dimidium lateris & Tangentem 30 graduum.

Cor. 3. Dupla ry æqualis est Tangenti 30 graduum, nempe rectæ C a . Nam R y , y^z sunt æquales.

Cor. 4. Semissis circumferentiæ circuli descripti a gr semiradio æqualis est lateribus ambobus Cuborum quorum unus circumscribitur, alter inscribitur eidem sphaeræ in qua maximus circulus est qui describitur radio gr semissi lateris AB; quod sic ostendo. Si in quadratorum eorum quæ cubi bases sunt uno quocunq; ducatur diagonalis, erit quadratum ejus duplum quadrati a latere cubi. Rursus, si in termino alterutro illius diagonalis erigatur perpendicularis æqualis cubi lateri, recta

quæ subtendit diagonalem, & latus illud cubi erectum, poterit triplum cubi latus. Erit autem illa subtendens maxima omnium rectarum quæ intra cubum duci possunt; & per consequens, diameter erit sphaeræ cui cubus inscribitur. Nam diameter sphaeræ triplum potest lateris Cubi in illa sphaera inscripti.

Centro r radio gr semisse lateris AB , describatur circulus $^n\zeta g F$, ducaturque $\gamma\tau$ parallela & æqualis CD , secans diagonalem AC in μ . Quoniam ergo γm æqualis est Tangenti C^a , si jungatur μi , erit illa æqualis eidem C^a ; cujus quadratum est μi^2 . Quoniam ergo latus DC triplum potest rectæ C^a , ut manifestum est (ex eo quod sinus 60 graduum triplum potest semiradii, & est ut sinus 60 graduum ad semiradium, ita radius ad Tangentem 30 graduum erit) cubus cujus quadratum est μi^2 inscriptus in sphaera cujus maximus circulus est $^n\zeta g F$. Manifestum autem est cubum cujus unum quadratum est $ABCD$ circumscriptum esse sphaeræ eidem $^n\zeta g F$, & ostensum est rectam compositam ex latere AB cubi circumscripti, & C^a , id est μi lateri cubi inscripti, æqualem esse arcui quadrantis BD , id est semissi circuli $^n\zeta g F$.

Postremò, Eadem hæc comparemus cum numeris; & (quia radix numeri non semper est numerus) quadrata ipsa in numeros convertemus.

Producatur BC in δ , ita ut B^δ possit decem quadrata a recta DV sive DF , jungaturq; A^δ , quæ secabit DC in X ; quod sic ostendo.

Quoniam B^δ potest decem quadrata a DV , & AB potest quatuor quadrata ab eadem DV , erit quadratum a B^δ , 10; quorum quadratum ab AB sive DC est 4; sive quorum quadratum a B^δ est 40, eorum quadratum a DC est 16. Est autem ut 40 ad 16, ita 16 ad 6 $\frac{2}{3}$.

Cumque Dh ostensa sit semissis totius B^δ , poterit Dh decem quadrata a semisse ipsius DV , sive a quarta parte lateris DC .

Quadratum ergo a DC ad quadratum a Dh sive a DM , est ut 16 ad 10.

Rursus, ut 16 ad 10 ita est 6, ad 4. Sed quadratum a DF est

est 4, quorum quadratum a DC est 16. Quare latus quadrati 16 est ad latus quadrati 10, ut latus quadrati 6; ad latus quadrati 4. Quare rectæ DC, Db : latus quadrati 6; DF sunt proportionales.

Sed ostensum est esse ut DC ad Db, ita DX ad DF. Latus ergo quadrati 6; est ipsa DX.

Sequitur hinc, Primò rectam DX esse mediam proportionalem inter DC, & duas quintas ejusdem DC. Quadratum enim a DX, nempe DXpq, est duæ quintæ quadrati a DC, quia 3; est quinta pars 16, & 6; duæ quintæ ejusdem quadrati a DC & propterea æquale rectangulo sub DC & duabus quintis ejusdem DC.

Sequitur secundò, Quod ductâ AX & productâ ad occursum BC productæ in s, rectam B^s posse 10 quadrata a DF.

Sequitur tertio, rectam DE (quæ est media proportionalis inter DC & DF) mediam quoque esse inter Db & DX. Cum enim quadratum a Db sit 10, quorum quadratum a DC & 16, & quadratum a DE 8; Si fiat ut 10 ad 8, ita 8 ad tertium erit illud tertium 6;. Unde patet etiam hoc, rationem DF ad DE, esse ad rationem DF ad DX ut subtriplicata ad subduplicatam, ut illi loquuntur; ego autem malim dicere, ut tres rationes minoris ad majus, ad duas rationes minoris item ad majus.

Sequitur quartò, rectam B^s esse ad DX ut 5 ad 2. Cum enim quadratum a B^s sit ad quadratum a DC ut 40 ad 16, id est ut 5 ad 2, & ut quadratum a B^s ad quadratum a DC ita ipsa B^s (quia quadrata sunt in duplicata ratione laterum) ad DX erit B^s ad DX ut 5 ad 2; & quadratum a B^s ad quadratum a DF ut 25 ad 2; id est ut 10 ad 1; & ipsam B^s ad DF ut 1. 10 quadrata ad 1. 1. Atque hactenus quidem calculi Geometricus & Arithmeticus consentiunt inter se & cum Euclide.

Sunt autem rectæ Db (five DM) DX, DF (five DV) continuè proportionales, propter semicirculum MXV. Quare etiam earundem quadrata sunt continuè proportionalia. Atqui si reducantur ad numeros, numeri illi proportionales non erunt. Est enim quadratum a Db, 10, quorum quadratum a DX est 6;, & quadratum a DF, 4. Qui numeri non sunt proportionales

Reducantur enim ad numeros integros (quod fiet multiplicando singulos per 5.) Facti autem erunt 50, 32, 20, qui proportionales non sunt. Sunt enim 50, 32, 20³ continuè proportionales; quorum minimus est justò major. Continuè item proportionales sunt DC, D $\frac{1}{2}$, DX, quibus respondent numeri 16, 10, 6 $\frac{2}{3}$; qui proportionales non sunt. Nam reducti ad integros fient 80, 50, 32; qui proportionales non sunt. Proportionales enim sunt 80, 50, 31 $\frac{1}{2}$; quorum minimus est justò minor.

Unde autem nascitur hæc Geometriæ & Arithmeticæ dissentio? Ab eo quod subtendens trianguli rectanguli non semper potest latera duo, angulo recto adjacentia, cum subtendens illa non sit linea, sed minutum triangulum; cujus si punctum verticale computetur pro nihilo, terminus alter erit trianguli minuti basis.

Cum enim duæ rectæ BA, BC punctum habeant commune B quantitate carens; si ab eodem puncto B ducatur tertia recta faciens angulum quemcunq; cum BA vel BC, illa tertia propior erit utrivis duarum BA, BC, quam altera earum alteri; & propterea habebit tertia illa cum utraque priorum plus quam punctum commune, id est communem partem. Quare tres illæ rectæ una eademque erunt recta. Item propter eandem causam totum circuli planum erit linea recta. Quod satis est absurdum.

Recta ergo subtendens pro linea haberi non potest, nisi quæ sit diagonalis quadrati. Illa enim dividit angulum rectum bifariam; id quod non facit diagonalis rectanguli non quadrati. Unde necesse est numerantibus quadrata, (quia minutissimi trianguli basis quantulacunque ea sit, quantitas tamen est) unam & eandem quantitatem sæpius numerare.

Si denique cubos ipsos per numeros investigare volumus, impossibile volumus; quia quadratum multiplicatum per numerum facit semper quadrata, quorum nulla multitudo faciet cubum. Causa ergo quare problemata illa, metiendi circulum, duplicandi cubum, dividendi Angulum, dividendi Rationem, & alia multa inventa hactenus non fuerint, nulla assignari

(79)

assignari potest præter has. 1^o, quod ad ea invenienda abusi sunt Arithmetica. 2^o. Quod errores antiquorum, recentiores nimium venerati sunt. 3^o. Quod qui errores illos conati sunt detegere, eos imperiti homines (ne sua inscitia simul detegeretur) convitiis absterruerunt. Quibus tamen omnibus, propter rei difficultatem, & antiquitatis reverentiam, ignosci potest, præterquam ultimis illis, convitiatoribus, non Geometris, sed insulsis, indignis, Geometriæ procis.

FINIS.



